

千古斯文

森竹匏

| | | | |
|-----|---|---|---|
| 漢書門 | | | |
| 四 | 二 | 三 | 四 |
| 冊 | 架 | 函 | 號 |

| | | | |
|------|---|---|--|
| 內閣文庫 | | | |
| 三五九 | 四 | 漢 | |
| 函一 | 七 | 書 | |
| 四架 | 五 | | |
| | 六 | | |
| | 號 | | |

| | | |
|------|-----|-------|
| 內閣文庫 | | |
| 番號 | 漢 | 4756 |
| 冊數 | 7 | (6) |
| 函號 | 359 | 82 |



千古斯文

竹卷

古閣猶龍子余應虬纂輯

昭武筆洞生徐奮鵬校釋

贊美彙

贊相國穎陽許老先生

茅坤

公以文章道德擁戴

聖天子日月之際無異宋司馬君實歐陽永叔之望

顧僕日衰矣其罷官既久譬之伏蟄之蟲殆頽然自

蕭何後漢光依日月
○司馬光進資治通鑑○永叔為翰林學

千古斯文

竹卷

贊美彙

士天下文
章吳大千
是

放山澤薜蘿之深無意人世矣

上李翼軒大叅

馮琦

望之為漢
元帝傳為
弘恭石顯
所誅帝曰
果然殺吾
賢傳○頃
賈入秦范
睢微服先
見賈曰范
叔一寒至

老伯才擅一代識淹千古宜在供俸之班待熒和之
任而回翔外服歷有歲年漢廷謂蕭望之議論有餘
欲詳試政事而重畀之耳不肖闕然不敏未敢希文
章之業當老伯入都時私心有所請正而大雅之藩
難窺小巫之氣易索遂復荏苒以至分携比來塵務
經心日亡日損恐於此道長已矣家君來承尊翰重

此手遂贈
以緜袍雖
曰得以不
必者緜袍
意者故人
意

以大照長者有命敢不拜德家君不以近畿為喜而
以遣知己為恨老伯同袍之戀想同之耳却生行迫
率爾布謝披對何日臨風惘然

上宋侍御官况

李攀龍

范滂登車
攬轡有澄
清四海之
志○詩云
惟其有之
是以似之
言實有諸
中也

昔在不佞謬惟附驥兼始視事同舍之好重辱高誼
輩鮮儷焉蓋猶及見冢宰許公所試足下奏疏扼腕
時事侃骨鯁之風以今觀之登臺攬轡澄清西蜀
稱名御史惟有之矣雖不佞自棄越在田間日為壯

之與有寵光何可極也

贊脩吾朱吏部

黃兆聖

越今浙江
紹興嘉興
等處○詩
路上行人
口似碑○
揚震字伯
起諸儒稱
曰關西孔
子○昔羊
祜字務脩
德信以懷
吳人

不佞客越有年。親矣黃童白叟。口碑噴噴。自有秀水。以來未有如我朱父母也。非庶過關西仁同叔子矣。能入人之深。舉斂然相告。至於極也。使史遷復起。傳庶吏其必列足下於首。伏惟以正秀水者。正天。下行當為第一流人物矣。茲固不佞忠愛之無已。要皆足下生平之素志也。

與陳中丞

許獬

豺狼當道
安問狐狸
漢張綱語
○語云城
門失火殃
及地魚○
思獻韓琦
宋名臣○
王守仁并
三楊士奇
榮溥俱國
朝元老○
游言無寔
謗言

今之慎中。非昔之慎中也。徵求無時。如鼓駭馬。加以豺狼當路。禍同殃魚。非持大體為調停。烏能幸以無事。由此言之。明公非止宜慎中。而慎中則非明公不治。自古與權璫共事。而卒能潛機以濟者。遠則郭汾陽。韓忠獻。近則王新建。楊文襄。心苦謗多。理不盡。無言念古。昔足用自慰。雖有游言公論。自在信而行之。願勿為意。

時中官用事。威壓縉紳。故子遜述古今。四公俱告以履滿處謗之道。

東王次公

虞邦譽

王魯自青州蒞解廷
試皆第一
薛逢中
新進士出
從者斥令
迴避新即
君故謂之
曰小登科
云

潘安河陽一縣花

次公先生狎主秋闈。領畧當場眉目。那庸點頭公撮
合况青州原是君家故。何必向秋風搔首。我僕手
足頃病創。連日聽命藥王。大士不得一拉。次公賢問
仙郎行徑也。放榜近矣。好收拾作新郎。君僕當染指
鹿鳴為故鄉生色。

贊廬邑侯德政

吳應秋

明名以惠靈沾。吳荅城中正。艷河陽花。而西岐秀。麥

張繼為政
麥秀西岐
○唐迂官
詩恩愛已
蘇勾踐國
行程直上
大羅天

又不下漁陽也。乃綸音特下。起居而登之。大羅天上。
蒼赤皆淚矣。寇公莫借愴。悅柰何。廿日携小酌。祖餞
于淶陽樓上。酒罷更凭欄。望甘棠耳。顯侯

東楊紹南

李叔元

八面才言
無所不能
也○除目
即緒紳一
覽解額言
民之喜也
○杜詩為
河陽太守

門下令寧洋。左罰右恩。循良殺價如金。鏞轟耳。昔人
稱河公居無赫。功去後見思。蓋門下云。夫福安
民淳事簡。門下有八面才。不勞牛刀一割。第迓來洪
水為政。新去水火之黎。懸渴。庶能天官而有門下。除

德政清平
邵信臣
為河南守
躬助耕業
開通溝瀆
更人親愛

碌庸人
出書言故
事○官累
朝家俸祿
○時龍溪
為福建通
邊海之地
故子遜以

片不得
○有與二
人之橋
虎渡橋在
江東駟龍
溪縣屬駟

徐目即今
循紳便覽
之類○太
史司馬廷
漢王漢武
帝○劍閣

目一頌海國解額不佞居常每追杜邵不謂蕞尔二
邑竊有厚祿乃尔臺剡可勝沸騰耶屬廖生良便謹
以俾刻二種呈質大方如公餘可需一晒

與呂龍溪

許獬

謁之來人知兄才鋒初試政聲奕奕亟往復朱老歸
以為吾門有人甚幸已而思之命世真才如兄乃為
遠用碌碌俛仰隨人徒費大官累百許子遜輩無益
也喜溢常况愧亦如之後面之期意在觀歲然邊海

重地見宜不得來弟則無不可歸時送一奚奴戾
肩輿直抵虎渡橋真兄把盞臨流交臂談心眺望山
川睥睨今古一洗簿書案牘之塵超然物態之外不
亦大愉快乎
龍溪諱純如與子遜同登辛丑進士

東陳玉叔高遷

張九一

得除目知巴蜀再借門下行看夫太史遊蜀而雄文
擅千古司馬相如寓蜀漢王虛席以召門下主盟稅
苑矧主上好文旦夕且召門下劍閣巴江之間席不

書集竹卷
贊美彙

巴江屬四
川○函谷
關紫氣見
關尹子迎
老子○德
星見陳寔
事

姜子牙八
十未遇釣
于渭水文
王後車載
婦以為尚
父後佐武
王伐紂與
周封齊著

言文字之
美如珠玉
○無病而
健壯謂之
曰善飯○
二八女子
曰青娥○
四十正僵
仕之年

久温矣。倘過函谷關。驅紫氣而西報老兵。不佞當倚
賀蘭山。酌卮酒。嚼而東向。大叫陳家德星。寧獨動五
百里。占耶。惟門下圖之。
復周南士頌老遇
今觀渭濱之叟。年八十矣。猶把釣持竿。不顧也。使八
十而死。或不死而不遇。西伯獵于渭。縱遇西伯。而西
伯不尊。以為師。敬養之。以為老。有子若我。不武。不能
善承父志。太公雖百萬韜畧。不用也。此皆所謂善藏
其用者也。
與王百谷美老壯
袁宏道

漢武王名也。不武不勇也。

王路僧來。珠玉已滿案頭。甫開函。而諸弟及里中少
年。各持一紙去。不肖如暴富兒。被掠真可一咲也。聞
王先生益健飯。猶能與青娥生子。老勇可想。不肖未
四十。以衰聞。此甚羨。恐足下自有秘戲術。不則誑我
也。江令遂不祿。惜哉。
上朱老師榮歸
余應虬

竹卷

讀美彙

漢朱買臣
上書武帝
拜為侍郎
迂會稽太
守上曰富
貴不還鄉
如錦衣夜
行買臣辭
謝歸○趨
炎附熱喻
人阿附權
勢之意

鵬之飛其
翼若垂天

春聞報至。知老師旋音。舊在門下。如鯁生者。其喜躍
可知矣。士君子屈首舉子業者。甚眾。而取高第如老
師者。豈非俊傑乎。錦衣歸後。極人世之榮施。此鯁生
生平之所企慕。而不可得者。羨仰羨仰。謹遣下走持
狀代賀。具有菲儀。非敢效趨炎者之所為。亦曰禮當
如是。別紙所陳。仰祈賜覽。

魯省吾

子○李白
贈孟浩然
詩紅塵素
軒冕

至人環琦之行。脫肝膽捐耳目。浮游無方之外。而不
以軒冕淄其身。彼固有所樂之也。

李長春

漢劉安封
淮南王後
宅飛昇鷄
犬入雲中

豈碧霞紫微真僊耶。不則何言。奇麗一何飲金
莖。吸玉露如也。知丈白日生羽翰。飛昇不遠矣。

王煇

蔡丘之會
桓公為列
侯盟主○
措大老學

僕聞人多矣。而開爽特達。握手平生。如敬竹兄者。屈
指能幾人。而兄且擁書萬卷。狎主桓盟。不減南面百

千古新文

竹卷

七

贊美景

尚書
其風巨
委通逃出

漢韓信謀
破趙使人
馳入趙壁
拔趙白蠟
樹漢未熾

韓文公為
一代儒者

星在天無物不覩而鄙昧之蹤
若載盆而居獨不能窺其所至是以相去雖近而未
獲以一書候左右者此也

子鱗姓李
諱攀龍元
美姓王諱
世貞會稽
邑名屬浙
江文長諱
渭俱以文
名世

城復不城成都八百桑視窮措大御一欵段往來整
蹊日作江干風馬牛其苦樂不相千萬也

與史黃門

狄獻明

史以文章功業為海內士樹一赤幟固不世之人傑
也回視不肖功名事業百無一了徒然食粟而已寧
不愧死地下哉曹文曰今交九尺四寸以長食粟而已

上蘇先生

方孝孺

執事以斯文承諸公后為時儒宗先華所燭譬之列

答徐見可

袁宏道

子鱗有遠体元美有遠韻然以摹擬損其骨會稽徐
文長稍自振脫而體格位置小似羊欣書仁公何得
遂奄有之不佞下里稚語耳尊叙獎藉過甚將無蕉
葛衷而古錦蔽乎下里乃巴里俚音一唱而和者百計

驍龍領下
有珠探其
珠必觸怒
而犯其鱗

紫芝眉宇
符堅得王
猛相過甚
雖恨相見
之晚

漢昭烈謂

復次公兄

舍親回再辱教札。魚錫驪珠。拙刻倍生光怪矣。弟既得珠。怎敢忘探珠之力乎。謝。

王世茂

與李襄一

僕無所比。數後以叨附粉榆。遂得從里中諸長者遊。乃諸長者時。稱高誼。不容途中得親芝宇。真不覺其膝之屢前。自恨其見之何晚也。

許 儼

與王元禎

沈懋學

才十倍曹
子嗣子可
輔之如
不可輔君
河自取

唐詩李白
杜甫是晉
字鍾繇王
羲之是漢
文章司馬
遷班固是

恩重難酬。名高難稱。不佞偶出此二語。兄輒誦之。然兄才十倍曹孟。直轉聆事耳。倘蚤理會。他日不至如弟。臨事躊躇矣。

與龍君超孝廉

王穉登

唐詩晉字漢文章。都自君超占斷矣。且婆娑於少年。場中鞭風。駕月。變化神奇。信是雲霧真身。不佞獨怪。在。以人龍誇君超者。尤尚未脫凡間色相哉。

與唐一菴

曾省吾

晉孫綽賦
七城霞起
而建標
晉裴秀八
歲能文為
後進領袖

歸去來辭
三徑就荒
松菊猶存
李杜結
為百年知

承惠木鍾二集卒業於舟中朝霞五色垂采赤城之
巖玄壁千重蜚映稽山之會門下領袖時流儀形物
表名豈虛致士豈虛附哉不勝嘆服

東陸與繩

吳維嶽

抵舍半年溪山喜至人之還大吐氣色有陶潛松菊
之園而三徑不如其荒有杜甫尋常之酒而春夜不
如其典擔負初脫食甘寢寧不復言天下事矣百年
知已能復幾人特走使致無欲言於足下

寄友

寧仕衛

我里固多名宦然如烏臺公敷政慈和傳家清白而
為鄉邦尸祝者不少概見宜後之毡繆悉鳳毛也足
下不矜門第與布衣交欣為執鞭者不曰逐金丸而
曰附羶行誠翻佳公子
韓媽以金為彈丸每出
見童隨之

與問伯

屠隆

騏也果駿振鬣長鳴萬馬俱瘖矣世眼多翳故知孫
陽笑人男子失時則窮得時則駕龍蛇其德總屬偶

戰國策云
騏驎服鹽
車上太行
一遇孫陽

後人鳳毛
言似父
曰元門第
高可畏不
可恃○秦
昭王与平
原君為布
衣交

仰而高鳴
感其知已

然。弟。作。春。風。得。意。馬。蹄。疾。之。語。

東陸偉元伯仲

吳應秋

結綠劍也
○晉陸机
陸雲兄弟
並有才名

昨宿樓霞院。覽足下之文。又覽令弟之文。結綠懸黎。並生光彩。非所稱二難耶。嗟。陸門。又有機雲矣。

與杜文明

劉景心

陳搏許錢
若水為仙
一僧曰他
日富貴但
急流勇退
○推邦彦

臺下急流中勇退。納優桑麻間。豈不大暢情哉。昨就周文字處。識賢郎聰穎。實異足稱名家駒。第汗血尚未。俟以十年。吾且于灤洲境上索之矣。臺下得不予。

庭前植槐耶

晉王佑手植三槐于庭曰吾子孫必
有為三公者

答友

李贊

朱子諱熹
自號晦庵
別號紫陽
又曰考亭
宋孝宗時
從進講
未允乃為
韓侂胄以
偽學貶
卒謚文公

朱晦菴之號不美矣。朱熹之名美矣。熹者光明之稱。而晦者晦昧不明之象。朱子自謙之號也。今者稱晦菴。則學者皆喜。若稱之曰朱熹。則必甚怒而按劍矣。是稱其至美者。則以為諱。而舉其不美者。反以為喜。是不欲朱子美。而欲朱子不美也。豈不亦顛倒之甚與。明珠以暗投人。於道路則人莫不按劍相看見。史記鄒衍獄中上書

竹卷

替美景

古今類事

東陳日躋

賀伯閣

執符二句
送劉龜文
心雕龍交
化來左傳
載氏齊來
乞師曰原
乞灵于美
其文駕音
漢而上
筆呼為中
書君

讀足下大作能令人心開花昔王氏讀李獻吉詞章
評曰以雄渾為堂與以蘊藉為神樞不佞於足下
云况又執符為晉魏乞靈於左馬乎世路盜魚族獵
者足下臣虜之矣拙語聽中書君發落母曰鷄肋不
足以安尊拳云
與湯霍林太史
公之軀于九華也登七寶而設六徑春風中比江南

劉伶與俗人忤其人奮臂攘袂伶曰難助不足以安尊拳

甯仕衛

東壁餘光
○大安和
尚置心于
四果阿羅
生公講經
石不點頭
高僧說法
地湧金蓮

○彈絕士僕之寵陳何幸而依夜燭耶公製執語
○圓通偈僕不解妄意大史置心于四果阿羅漢弟亦
○時見其石點頭地下金蓮不覺蹂碎多許耳九華篇
○太白起名千載後更有太史決其一番重新莊嚴乎

寄張子韶

宗臣

楊子雲著
太古徑
能乃變化
不測之物
新其風雲
際會

歸廬間奉玄論便令爽心行時辱贖即未拜命領心
內之矣足下高才古思卓絕流品向來披拂奇文至
今結念乘時能變才鋒所權當令群來靡失也

古今類事

卷二

贊美宗

王子喬未
松子皆仙
人長壽
嘉則越草
詩云不如
醉我虛室
中玉棺下
來復堪必

風敲月色
水流鐘鳴
俱是秋夜
景色震澤

揚州大湖
也禹貢震
澤底定

周瑜言劉
備有荆州
如蛟龍得
雲雨

司馬遷班
固俱兩漢
史官○勝
王閣賦云

贊沈嘉則佳製

屠隆

讀越草如失足崑崙絕頂下見丹霞未水文玄豹
雕麟紫麈鮮桃碧藕目絢神搖不自知其去取矣先
生近作乃爾不豈惟才情轉富前無古人占知先
生喬松遐壽玉棺不下奈何會須且婆娑人間耳

報李本寧太史

蘇濟

得人歸得明公報書歸而讀之不覺涼颼入戶皓月
當空寒溜珠鍾冷然相答也已而展誦佳刻如真身

震澤之區拍手浮丘擊雲攫而又如探驪龍領下珊
瑚斗大亦甚愉快哉
驪龍領下有珠探其珠者必
櫻其鱗而觸其怒

答潘子嘉試章

凌湛初

見示試篇雄渾悲壯直當與廬山爭高把讀數過恍
然山濤驟至蛟龍在眼非弟當之幾至顛倒矣

與王百谷精選

寧仕衛

足下選名公尺牘咀百家之芳潤披萬卷之采符鱗
次之妙埒遷固也夫綱已昶衆目畢方蓋坐吾輩于

行卷

贊美陳

杜將軍之
武庫

武庫中。随手理實。何依之者。搜罕。而今攬之者。便簡。

寄友生檀詞壇

余應虬

足下文錫錚。詞鋒皎。登壇大江之南。而海內操。英風者。豈不佞而已哉。韓信拔趙白幟。立漢未幟。

寄李本寧太史詩

蘇濟

入華山時。雨雪初晴。蓮花峯在銀海中。私謂乾坤第一境界。及憇足禪林。睹足下華山諸作。吐吞闔闢。冷

前景道不得。臨而閣者三矣。

上余侍御詩

余應虬

公發衡後。日誦公詩。英雄回首。即神仙。安期生。曾以策干項羽。而華山六逸鹿之群。雄卒證玄學。公殆其匹也。敬服敬服。過岳陽樓。不能走訪洞僊。共觀雲水。公當笑耳。豈范老之所謂先憂與。可愧。可愧。謹勒此代候。惟垂照察。

范希文岳陽樓記。先天下之憂。而憂後天下之樂。而樂。

抱朴子安
期生賣藥
海邊瑯琊
人傳世見
之計已千
午○蒯通
對漢王曰
秦失其鹿
天下共逐
高才疾足
先得

贊美彙

蘇東坡別
號眉山著
有前後未
壁賦垂之
古今為文
章宗祖

復張道卿金山詩
赤壁有名因眉山二賦遂勝千古金焦得足下詩今
立名矣不佞腐俚之辭敢以辱山靈我幸一咲而投
之波底
孔德璋作北山移文言山灵逐客

與周公瑕求文

陳文燭

何武去後
見思百姓
立碑紀績
一儒曰致
一釋曰三

瓜洲使來得去思碑元美文游戲三昧如金焦水月
足下字又如北固雲林可愛金山勝槩鄙人坐享之
異代虛名或可鼎足三山乎
金焦北固皆山名

水絃琴也
伯牙鼓琴
子期聞而
知為高山
流水之音
鏡上洋

與高希章
春睡方酣嬌鶯喚醒改無柰滿腔愁悶何獨抱水絃
向海棠陰裏鼓之華裾忽至我前矣高山流水千古
賞音何減鍾牙之在當日耶

劉大受

孔子見臧
明脩政曰
以貌取人
失之子羽
劉伶語

與張司理
見許生為少恭作書四十封上封新雅內不雷同隻
語以貌取許生兩臂僅同雞肋耳何物胸吞七澤筆
搖五嶽作怪如此
相如上林賦其有七澤一曰雲

于仕庶

西京雜記
姚家黃魏
家紫牡丹
色極美麗
○武林今
杭州府

據讓曰智
伯以國士
遇我下以
國士報之
○詩技我
木李報以

昭王以十
年城陽趙
壁

鹿也○即碌
書楚元王
推重穆生
曰公等復
生不飲酒
先王為設
醴○砥硤
石似玉者

與劉澹峯

足下披卷當庭。奇花滿樹。姚黃魏紫。帶雨爭芬。主人
者。應洩之色。喜弟且懸羨之。茲以二帙辱投。武林讓
彩。翻造化工也。又何羨乎。謝。

管 璫

餽贈彙

餽魏允登太學求文

許以忠

草覘殘生。猥受國士之知。醉之以醇醪。授之以錦幅。
而雅愛勤渠。令人何能消受。耶。愧旅人與阮籍同途。
無能覓璫。玳為報耳。菲儀數種。聊見涼薄。幸不鄙則
榮矣。佳刻擲一部。寓目俟出十五城。易之。

贈金索字樓聯

馮應箕

僕鹿子。凡材得蓄于丈也。志幸乃索坐以傳舍。解范
牀之袍。設穆生之醴。夫之恩不踰于骨肉。我僕誦之
在口。銘之在心。足下頃創書樓。賀者皆錦軸金壁。馮
生無長物。聊奉短聯。少克不腆。惟瓊玖唯前。更不以
砥硤斥焉。幸矣。幸矣。

高棟倚雲龍。文煥斗五千丈。
明窓耀日共。映汗牛三十車。

陶淵明歸去來辭審容膝之易安云

寄妻典物

秦嘉

空返迎妻不至恨音亮猶眷悵然茫然自失之貌希罕盤照馥香氣娛樂也

車還空返甚失所望。兼叙遠別恨之情。願有悵然。間得此鏡。既明且好。形觀文彩。去所希有意甚愛之。故以相與。并寶釵一隻。好香四種。素琴一張。常所自彈。明鏡可以鑒形。寶釵可以耀首。芳香可以馥身。素

琴可以娛耳

送巾帶報邵蘭臯太尹

陳柏

周詩有曰。侯河之清。人壽幾何。○壽以姊於邑。悲哀。○髮同。○潘安貌美。而髮易白。

弟奔走風塵。頭鬢為白。思與門下日坐水濱。以娛暮景。此念真耿也。侯河之清。人壽幾何。言之增於邑耳。絨巾一頂。角帶一圍。奉上。不省潘生之髮。沈郎之腰。還如在昔否。東坡詞云。多病休文。今瘦損不堪。金帶更垂腰。

與張君瑞

崔氏

玉環一枚。是兒嬰年所弄。寄克君子下體之佩。玉取

詩國風云。采芣采芣。

竹卷

竹卷

魏贍景

無以下体
○湘妃淚
痕染竹成
斑○詩投
我未報
以瓊玖非
報也永以
為好也

其堅潔不移。環取其始終不絕。兼亂絲一絢。文竹茶
碾子一枚。此數物不足見珍。意者欲君子如玉之貞。
救志如環不解。淚痕在竹。愁緒索絲。因物達誠。永以
為好耳。函憤所鍾。千里神合。春風多厲。強毅為佳。
餽楊應寧花帶
李東陽
花帶一條。得之謝先生者。轉以相奉。願附於呂虔佩
刀之義。物不足論。其人故可重也。
與汪楚石山人
鄧宗齡

范睢曰
○睢曰
○睢曰
故人意

家產三品奉。上締以解。慍表縹袍也。祿生鸚鵡。舉白
同呼。阮籍青白。肝膽誰投。惟其有之。是以似之。願足
下生存焉。
阮籍晉竹林七賢。每作青白眼。睥睨世

周穆王得
昆吾劍。照
人如照水
切玉如切
泥出列子
語中

送許君信短刀
王世茂
足下昆吾神品。辟易萬人。奚翅么麼。一王也哉。王生
雖鉛刀手。與足下相投。意氣無異。此雄因解自佩。七
首以助足下壯遊。
班超疏云。鉛刀豈無一割之用。
送友人劍
詹景鳳

新文
書集
竹卷
十、
餽贈彙

雙龍二劍
莫耶干將
○語云寶
劍贈与烈
士

晉袁宏為
東陽太守
謝安授一
扇贈行宏
曰即當奉
揚仁風慰
彼黎庶

仲宣足下。雙龍二劍隨我久矣。知足下烈士。故持一
口相贈。願各努力。以遂所志。他日功成。與足下會合。
于黃金臺上。
燕王築黃金臺以招賢士

與傅令公

吳之鯨

跋然道左而窺使君行春也。烟姿柳色。霏々綠綬間。
仙令裁才。媿子安不嫺作賦。輒成一篇。題扇頭奉助
仁風。恐不堪登使君懷袖耳。

餽故人扇

劉大受

古詩咏扇
云明月入
懷袖清風
來故人○
夏日如酷
一扇風生
兩腋

遠來古越。滿道煩蒸。每納清風。輒動故人之想。祿用
粗扇二握。謹以獻之。足下假能持其柄而搖之。即酷
暑自生涼也。迺若棄捐篋笥。豈予所欲哉。惟足下置
之。
語出班婕妤怨歌行。毋以寒風棄捐

饋畫

孫虞佐

瀑布飛泉
也天台山
賦云瀑布
飛泉以紫
洎

臥盤礴處。悠然興至。起作高松瀑布。今奉足下。懸之
高齋。酷暑能生涼不。

送筆與社友

余應虬

鍾繇王羲之善字者
○江淹夢筆生花文
大道

班固投筆萬里封侯
○無裨國是史官也

蘇長公硯名鳳珠
○筆墨紙硯文房四寶

鍾王見前
○筆○賈誼董仲舒漢文臣

玄宗見墨上小道士如蛇而行曰臣墨之精黑松使者也

惟此毛錐子。銛鋒淬礪一掃千軍。知子闖鍾王之門。得江淹之夢。謹令聽後左右。

答友惠筆

見管城子神采飛動。將欲投之。侯封。匪啻將欲秉之。國是無裨。竟以品江山。題風月而已。

姚文燁

送友人硯

鳳味一枚。端方堅潤。聽後文房。漸磨之下。可知其為耐久。朋也。

唐魏元同與裴炎締交時人稱為耐久

答送硯

余應虬

滴露研硃。殊乏佳硯。忽沐陶弘先生過我。亟命玄穎。延之上座。第媿筆非鍾王。文非賈董。負此良友多矣。

送硯墨與陳玉叔

徐成位

承惠佳刻。讀之清風生几席。何物驚人如是也。龍尾大荷葉硯一枚。頗不易得。墨精四函。亦非下品。謹致之詞。宗用為揮毫之助。必有佳句報我矣。

送墨與知友

汪道昆

王羲之為
晉朝右軍
善書揮酒
皆成珠玉
如黃庭經
等語

筆下龍蛇
爭投學海
字中蝌蚪
競落文河

江文通夢
筆生五色
鬼天下

湘妃淚痕
染竹成斑
即今之班
竹是也

范石湖詩
絳裙縞袂
各朝元只
有散仙名
萼綠○晉
王敦酒後
以如意擊

僕每愛黑松使者。多方延致。俱不憚。願偶獲其良。貢諸記室。以助右軍揮酒。膠漆之投。凌烟之藻。須此烏出。語曰。膠漆雖至堅。不如雷與陳。

餽友人紙

余應虬

剡溪奇寶。錦水佳名。謹馳獻之。文臺前。俾窓下開時。如觀錦繡。筆頭動處。堪走龍蛇也。

送友水注

俞啟相

滴水蟾蜍。近偶得之。敢誦白。日。浮。香。之。句。為。足。下。獻。

他日潤君筆。花。不。在。五。色。管。城。子。下。

送友筆筒

王穉登

敬奉湘江美人。為足下招延管城子。莞而存之。几上更多生雲之氣。古詩云。几上生雲氣。

贈許君信鐵如意

劉大受

鐵如意。一執乃僕醉借萼綠。坐持以擊玉唾壺。詩。綏。衣。者。謹。以。奉。君。玩。眎。之。幸。毋。曰。此。碎。却。珊。瑚。石。

家逞橫物耳

石崇與王愷聞寶擊碎珊瑚樹。以高六七尺者。賂之。

唾壺

周凱曰當共戮力王室何徒楚囚對泣○季武子謂襄公曰譬之草木君之臭味也

詩雲連海氣琴書濕風送潮声沈簾涼○

夫知保抱携持厥頰子見尚書文王未得后妃展轉反側以求

董仲舒下惟苦讀莊周夢化蝴蝶○孔明睡臥龍○盧生一枕黃梁夢

送硯鏡印匣刀

李默

默寂迂庸。謬蒙愛助。銘忱久矣。戮力匡時。頗同臭味。輒因薄物。奉致芹忱。硯嘉礪節。鏡取鑑空。印匣表文。刀明剗斷。今所望於公者。非是不足喻也。羨重緇衣。永以為好。鄭國風詩云。緇衣之宜兮。咏好賢也。

送竹夫人

湯顯祖

爍目流火。揮汗如雨。想枕簟不能生涼也。購得竹夫人。巧出良工。製甚精緻。剖心析肝。陳數條之風骨。自

頂至踵。無一節之瑕疵。誠為佳器。馳獻榻前。尚冀保

抱携持。不忘五夜之寢。展轉反側。尚擬四方之風。馨

納是幸。文選云。祖宗櫛風沐雨。以勞天下。我宴安

餽藤枕

孫虞位

偶得藤枕。敢進之董帷內。雖無文彩。翻蝴蝶。堪入梅

餽友人鏡

余應虬

遊羲皇以上矣。幸塵置。花伴卧龍。日卧北窓下。寒箔風入。黃梁夢醒。當自謂

子古

書集竹卷

二

餽贈

唐太宗以
魏徵為人
鑑徵亡太
宗曰朕亡
一鑑矣

二毛黑白
相半。劉
侑嘆解後
生肉

趙匡胤生
時異香入
室經宿不
散稱寧馨
兒

人得其種
○曲禮賜
果君前懷
其核
山谷云江
奔有佳實
若作和羹
爾為鹽梅
見尚書說
命篇

庚嶺梅南
枝已落北

下百鍊精金。光彩無翳。某荷陶鑄之餘。謹奉一鑑。歲規。伏唯賜照。無任寵光。

復友惠鏡

俞啟相

承惠菱花。光瑩射目。開奩見面。幸矣。第舉眼一照。鏡中人。鏡。二毛。却令人耐解自歎。

送香

王穉登

偶得異香。真爽神快心物也。華堂宴客。精舍談經。試一佩之。當見龍腦之氣。徑月不散矣。鑿留為寵。

餽友人李

許以忠

紅酣李子。王公所珍。愧未鑽其核耳。今以貢之。足下將無懷其核欬取。而齒之。齒牙間。奚啻成宮商已也。

送沈不蒙梅子

甯仕衛

江南佳實。兩餘傳黃。望之津。液出。阿丈渴于文思。曷可少此。特存之。莫嫌今日含酸子。試看他年。和

送梅花與王百穀

毛文煥

南枝未老。窈窕橫斜。有玉人醉倚之態。遣半偈庵前。

庚嶺梅南枝已落北

古詩云調
菱晶萬新
珠宰相和
鼎之句

謝玉以半
侶頭佗

東壁餘光
前徐女
萬綠叢中
紅一點

茉莉花又
右蔓華見
卅鉛錄中
語

想居士推窓香雪滿林花底流鶯時攪眠此中佳
趣尚有瑤華報我也

答友餽梅

董份

兩綻紅腮露凝青頰忽蒙分惠口未食而津生矣媿
非調羹手徒虛足下賜也

送杏

許以忠

以摘有果殊勝董林致具少許奉獻足下一嘗異日
走馬長安春園讌集者於此兆之矣匪諛匪諛

送花

汪道昆

虎刺一本火榴一本雉尾帚一枚奉克文苑清嘯倘
足下不忘救帚風雲之會寵僕餘光則紅綠叢中恃
足下為未憾共掃塵埃之積習矣

送茉莉

黃履康

蔓華簪許少助越妃嬌態昔人稱此花善媚穿縷貫
蕊却把風流惱玉郎一咲

謝送橄欖

張希虞

王宜名曰
撒攬京人
稱為青葉

詩芭蕉分
綠上紗窓
唐詩一夜
不眠旅客
耳

青出于藍
而青于藍
○客卿墨
也○菊存

渭川千畝
存胃中矣
是詩失矣
噴飯滿案
張良請借
前箸箸

相如傳云
文君已失
身于司馬
長卿故倦
游雖貧其
人材足依

承嘉既酸中滋味甘裡清芬非足下見念之殷何以
有此謹向風頰首稱謝

與楊栢山芭蕉

審仕衛

安南一種儘可供清玩樹之成齋窓頭袖書時看其
分綠可也向夕不眠別有孤客非所責于主人

餽弟一罇墨菊

審仕衛

七十種講石湖所著者此一族也藍而青漸染於客
卿而成者亦廁于世譜否也聊克盆末莫厭秋容豔

饋筭於叔顧寅

審仕衛

物不評饒腴得肯則理竹胎雖清味乎嗜之者約當
其可也謹餽庖人亦足代肉味不啻渭川子在胸誰
宜噴案曼玉版於借箸自愛加餐

餽汪潤寰茶扇

管橋

改謀烹伏具飯以饗送者而足下已學老子法夜遁
矣宛陵道得毋指為函谷關乎長卿倦遊追之無及
附新茶消途中渴竹扇揮車後塵諒在麾頓

○唐任環
早孤叔父
曰吾子雖
多庸保耳
寄門戶者
環○覺林
僧志崇待
客以驚雷
笑

詩靜坐欲
烹橋上雲

晚節

周書曰伴
來蒞殿王
子獻言何
可一日無
此君○竹
號此君

五蘊一色
二受三悲
四行五識
弘忍大師
偈云身是
菩提樹心

餽茶與黃心芝

王應選

足下美方訓。造就賢郎。而賢郎衣逢掖。濟。皆青雲。
器。奚羨龍文。玆若不肖。駑駘。安望子之。騏驥。一椽等。
宜乎庸保也。須自武夷。回雲窩主人。餽僕香茗。若不下。
驚雷。笑。僕恐足下。豪吟不輟。渴類漢相。如命。奴轉貢。
記室。乞烹。以活火。吸一觥。以潤詩喉。何如。

復友惠茶

王穉登

日逐市氣。黃塵塞胸。氣結不能吐。坐齋頭高樹下。呼

且看晚節香。惟賢弟宜之。

贈狄拱垣画蘭竹

習以讓

詹中岳公。繪作文扇。不作山水。而作蘭竹者。以清風。
高節。殊自可人。欲老夫不可一日無此二君也。遣伴。
持上。諒加心賞矣。

餽檜木與張太學

王穉登

謁慈尊。歸猶然火坑耳。安得聞張居士。塵間餘論。今。
五蘊頓然淨定乎。拙詩題扇頭。求正。盆中古檜。雖不。

新

書集竹卷

七

餽贈彙

如明鏡臺
○盧慧能
寫偈側云
蒼提本無
楸明鏡亦
非臺

張審使西
域得葡萄
三種釀為
酒名玉液

秦東陵侯
種瓜長安
城東有五
色甚美

請君共試
此山春
○文選云羽
化而登仙

奇駕者詩
奇彼信人
○坡詞喚
醒青州
者戰退睡
魔八萬

盈半尋風霜之姿甚備奉克高堂法供此樹娵娵異
時或證菩提果也

送雪梨

繆昌期

傲霜食雪甘飴可口敢持以獻雖不能味重瓊漿芳
踰玉液亦見鄙人芹意也試啖之何如

送瓜與張少山

俞大賓

東陵佳果散似文臺用潤杜甫吟喉且解長卿病渴
伏惟炤在杜甫字子美唐詩翁長卿司馬相如字

侍兒進足下所惠鳳山名品盡一升九竅間香氣浮

動我欲羽化信哉鄙生非軒冕人也遣僮馳謝公得

不絕倒絕倒是大笑我胡盧而絕倒

送酒與張孟雨

許以忠

小榼非可以勞信人因文作文太苦恐八萬魔軍來

侵眉目特遣青州送者為丈解倦耳初四日傾聽鞞

鞞於道左衛靈公與夫人夜坐聞遠伯玉車聲鞞

送雪酒與劉惟衡

鍾宇淳

劉晨阮肇
同入天台
采藥食
身輕忽見
一杯胡麻
飯滾出

詩青草池
塘慶之蛙
○何魯蒸
餅上折十
字

詩滿衣之
好兮微予
又改詩兮
還予授子
之繁子

周禮有土
宜洽辨諸
州名物○
林洪詩一
泓清可沁
詩脾

公儀休居
官兼介人
有魏魚者
不食

佳既以饜兒子輩。此自桃源洞口流出。胡麻飯後所

希睹也。適有雪酒一卮奉獻。欲與丈夫共嘗廣陵風景

味耳。唐葉法善有道術。會士忌酒。忽有翅秀才入。座葉以劍擊為酒。飲曰翅生風味。

謝餽水鷄蒸餅

盧柳南

蛙魚蒸餅。併以為既。何感如之。但恐青草池塘失一

部鼓吹。而精鑿十字之折者。未暇論也。

謝硯鏡圖書刀

張虞鄉

僕最疎懶。謬叨愛澤。銘心久矣。裘馬意氣。頗同臭味。

更蒙寶物拜領。感悅。硯嘉。勳節。鏡取鑑空。印用表文。

刀明。劃新。所佩於公。永矢不忘。

魏友土宜

余應虬

土宜二種。滌媿鮮薄。然芝蘭室中。淪虎丘。若對月爵

之。未必不助清興。於詩脾也。一嘆。

送魚

鄧志謨

臨池舉網。偶得四腮之鱸。謹以奉之內庖。烹鮮酌酒。

少助談鋒。勿訝菲儀。懸而不受。

斤

竹卷

六

餽贈景

唐明皇封
鷓鴣為綠
衣使又號
雪衣娘

莊子云列
子御風而
行冷然善
也旬有五
日而後反
○鵬背負
天

送鷓鴣

唐景鳳

綠衣使之封。與雪衣之號。已表于齊州。此誠宮門奇禽。山海慧鳥。謹四拜獻之門下。幸納之金籠中。

送白鷺

連絕芳

謹以西雖物色馳獻。用脩已諾。斯物羽毛已具。雲路其世武也。侯公子御風而行。渠當效羽翼于天上。其翩然背負青天也。豈不神雖王而弗善哉。

送鴈

陳益祥

送去鴈。乃愴空弦而墮者。惟吾長情能憐其落羽也。或不以不善鳴烹。故獻雖然。既辱收字下矣。養翻而遐舉之。惟君獨以膏鼎薦。惟君。

餞別彙

叙別

余應虬

零霜握別。倏已殘春。歲序般流。離腸趁忽。憶昔聚首。風雨停危。謔語雄談。千古一快。紅塵弗接。青山頓遠。言念昔遊。浩然興嘆。祖筵大酌。情共杯深。載昔之言。

金聲晉孫
綽作天孫
賦甚工以
示范榮期
曰御試擲

莊子故人
殺鴈烹其
不能鳴者
○漢高祖
歌鴻雁高
飛一卒千
里

地當作金

金穀滿楮。旅舟遠情。彼此同之矣。春波正淡。芙蓉漸綠。只下向所擬。述可得遽聞乎。延結。

寄朱道潛

釋如德

詩黃雀一去不復來。○呂布謂劉備云大耳兒不記。○韓門射戟。○時○諺云耳听好消息。

長亭分袂。便成黃雀。足下其目我為大耳兒。古人有千里神交。又何必區區形跡論也。聞足下舌根飛鳳。腕下流珠。擬酉戌春秋三元。朕捷不佞。惟潔耳聽。好消息矣。遐思萬縷。聊附八行。倘有餘綠。終期再晤。

饑陳對庭國簿

王焯

范文正公作嚴子陵祠記云雲山蒼上。○東周東遷天下諸侯未聞西歸而夢好音。

驪駒在門。遐踪萬里。雲山相鬱。鬱乎蒼人。非木石能不愴神也。哉。我欲奉板河舫。一泛秦淮夜月。而僕夫旅病。屢違念言。不腆敝緘。以將片緒。先生行矣。西歸好音。訂在何吉。尚圖出祖于江之滸。

瞋王上舍會試

許以忠

明帝幸辟雍。諸儒環橋門。○觀听蕭何薨。○曹參趨裝。○倪若水。

門下淵涵。玉養夙負。英望矣。喜今鼓篋。橋門趨裝。棘院此行。何異登仙。我來儀菲甚。聊犒僕夫一飯。指日步蟾碧漢。走馬長安。再為門下列芳樽。壯行色也。

曰班生此
行何異登
仙

天祿石渠
俱於書閣
○相如題
橋云大夫
夫不乘駟
馬高車不
過此橋
後果榮歸

詩淇上徒
見歸莫遲
風塵起舉
扇蔽曰元
規塵汚人

着鞭劉琨
語見前○
騏驎伏盤
車見伯樂
仰首長鳴
以其知已

陽關曲功
君更尽一

異先着一鞭。慰我懸眸。

劉琨曰。台地。戈待旦。恐祖

餞友赴舉

余應虬

足下爽氣橫。秋文名獨步。胸中學識吞天祿。吸石渠
筆底施為。撼乾樞。搖坤軸。蓋翹然士林雋。執詰旦
赴秋場。桂花必連根。拔回儂。有一觴。酌之雲龍橋畔。
足下酒酣時。好握筆題柱。使異日乘駟車過也。顯候
餽友扇劍作賸
余應虬
旌頭離色已逐天涯。惟仰面看屋梁月耳。遣健兒追

獻二物為途中用。扇蔽元規塵。青萍則壯輦上威也。
幸命從者。張且桂之。

與許君信

唐之文

雲程萬里。老夫先着鞭矣。僕愧瘠馬雄心。尚面西
風。昂首一長鳴也。偶值監考。弗及祖餞都門。不腆之
儀。敢獻送者。

別鄭于京

魏邦達

弟才寒思溢。敢浪唱陽關第幾聲。具不腆。恐煩送者。

竹卷

竹卷

三

錢列彙

杯酒

累行李。特負愁。老書扇頭。聊當青。一枝柳耳。

饒友同行

陳維敬

流離瑣尾。蟻蜂殘喘。○衛玠醉容芳。瑩如玉山傾。○孫敬閉戶讀書。恐睡懸髮。梁上市人呼之曰。閉戶先生。○包拯嘆黃河。

陳生瑣尾。其蟻蜂乎。乃天以良。綠。晤。足。下。玉。山。映。人。清。爽。倍。更。蒙。金。薤。琳。瑯。之。教。出。谷。陽。和。而。枯。萸。皆。春。矣。余。惺。吾。素。稱。閉。戶。先。生。今。有。武。夷。高。興。得。非。河。清。之。笑。耶。足。下。偕。行。尚。當。擷。幔。亭。秀。色。携。玉。女。嵐。光。納。之。錦。囊。中。歸。來。而。平。分。鄙。人。乎。荒。園。小。棗。頗。繁。赤。心。離。似。不。亞。安。邑。種。也。命。奴。馳。獻。第。愧。其。大。不。如。

瓜耳

使 滿光武推赤心置人腹中史稱其知人善任

與戴君肇惜別

劉大受

李陵贈蘇武詩。攜手上河梁。遊子竟何之。此五言詩之始。

把袂河梁。刺。政。難。分。去。風。引。片。帆。蘭。橈。迅。舉。薰。葭。簫。鼓。中。便。成。千。里。涕。泗。消。與。江。流。增。漲。桃。花。潭。水。弗。言。深。矣。

贖劉孝廉遠行

許以忠

石崇屑沉香。未布之。床上使愛。妾踐之。無跡者。賜珍。

昔司馬太史。足。絲。半。天。下。故。學。日。以。閱。明。公。今。日。北。遊。欲。步。太。史。公。香。塵。乎。歸。來。時。眼。底。江。山。擔。頭。風。月。

新文

書集竹卷

三三

饒別量

當與僕輩平分也。贖儀不腆，敢獻送者。

客中別俞三石姻丈

張希虞

詩客中曾送客一別，難為情。客燈，雖聲俱是，獨坐懷思景况。

客中送客自古難為情者。况僕別公耶。江頭分袂，送望風帆，目力苦短，歸來笑語無味。迨夜客燈，凄然蟲聲助歎，不知靜息之餘，公亦為羈子動情不。

寄許君信

孔四可

管夷吾生我者父母，知我者鮑子。又語云：

不肖生平無知己，知己者惟足下耳。同硯未幾，忽以功名促去，令人有依之不忍。離席者，餞別江頭，心神

黯折，蓋已滴淚成波。賦足下歸舟矣，不識何日寧

詩云：歸寧父母，語曰：

家何日就試，又何日寄有佳音。未白下耶，足下弘脩

喬拜家慶，唐張鷟

邃養長鶯，藝林青蚨萬選，不蔡可知。小力回京，即當

文字猶青，錢萬選萬

買錦三尺，走百里，稱賀兼省尊夫人健，餘也。努力塵

中時人，號曰青錢亭

征以慰知己

與留徽州惜別

胡纘宗

畫詩寧知風雨夜，復作對床眠。蘇穎濱詩

古人以會為難，又以別為難。大抵情也。豈獨古之人哉。聯床風雨，並馬丘山，雖在目前，而別已多時矣。會

道遠堂後
千尋木長
送中宵風
雨聲

鷓鴣惡鳥盡
船頭以驚
水族○錦
囊以貯佳
句○思美
人兮天一
方未塵賦
中語

合何時江東暮雲渭北春樹倦之私蓋不減萬里
李杜也真切真切
暮雲春樹見李白杜甫詩

送張孟雨舟行

許君信

之下放鷓中流也芙蓉夾岸鷗鴈橫江橋頭風色漿
底波光都足以供豪金興趣錦囊當滿載歸矣抑曾
懷及許芥子而有美人兮天一方之句乎許芥子則
誦采葛矣
詩彼采葛兮一日不見如三月兮

與王元禎叙別

張沛

遠人悠
我思願言
恆之歌
不寐○詩
盈○一水
周

風雨去長途迢迢別意秋
離愁江雲受態波濤作
色○微○而○風○收○兩○歌○月○影○橫○空○對○酒○狂○歌○頓○空○天○地○竟
不○知○身○居○盈○水○國○間○也○恨○不○得○與○足○下○同○此○良○夜
其○如○天○涯○何
月○白○風○清○如○此○良○夜○何

與顧伯升脩撰叙別

屠隆

今燕市乃
名曰都門
謂帝都之
門也○燕
地風沙括
自人出入

往歲愴皇出都門得與先生把臂毗盧閣上一夕雄
談畧盡寥廓奇事平明上馬先生入都僕即長途酸
風淡日煙沙障人回望郊垂菟癡欲絕已報先生崎

者多用妙
龍擁面
論萬里風
雲感會芒
陽之嘆

謝道韞為
女子時吟
雪詩云未
若柳絮因
風起遂為
絕調

詩初君更
進一杯酒

西出陽關
無故人
詩不見
雁信關山
萬里遙
陽春白雪
其調彌高
其和彌宣

李陵別蘇
武詩携手
上河梁
始蘇吳都
今南嶽地
詩如蘇城

嶺○萬○里○單○車○入○滇○中○僕○在○從○淮○徐○之○間○跟○將○奔○走○每
遙○弟○彭○城○落○日○芒○碭○長○雲○則○想○見○先○生○英○雄○氣○色○也○

與王百谷

毛文煥

讀○溪○山○障○子○歌○雖○未○見○盡○如○對○未○縣○方○壺○當○今○鮑○謝

動○色○杜○陵○老○何○足○多○哉○知○公○將○送○道○韞○東○行○江○天○雪

樹○定○有○柳○花○佳○句○此○時○應○斷○腸○也○

與吳元禎

許以忠

驪○駒○在○道○涕○淚○在○眸○結○手○陽○關○兩○難○判○去○矣○天○涯○人

天○涯○語○天○涯○情○哉○然○楚○之○距○吳○雖○計○千○里○古○稱○衡○山

多○鴈○湘○水○多○魚○可○傳○寸○帛○與○尺○書○也○陽○春○白○雪○自○是

楚○人○雅○調○之○餘○時○以○寄○弟○手○弟○亦○向○吳○江○負○楓○落○句

以○酌○受○下○不○揣○得○罪○良○希○弘○恕○是○荷○

與陸君策叙別情

者隆

陵○口○之○別○握○手○知○彌○數○視○日○影○河○梁○之○羨○足○為○千○秋

凄○涼○姑○蘇○之○別○追○隨○竟○日○撒○手○即○行○差○近○草○然○僕

以○為○草○之○別○深○于○知○彌○何○也○畏○別○也○所○畏○者○別○小○

書集竹卷

饒別景

外寒山寺
即此處也
○望之不
見搔首如

阮宣以百
錢挂杖頭
至酒店便
獨暢飲○
隋侯之珠
照車十乘

逸詩驪駒
在門僕夫
不駭僕夫
整駕

枉詩便信
平生最蕭
瑟暮年詩
賦動江關
○管子云
知我者鮑
子○坡詩
我林護落
無所容虛
名驚世終

遲則生情○生恨○蓋不可任○故忍而斷之一○麾輶往然○
而別後之恨○又何可言○

答錢者

許君信

世人於行者類以像物賞之○君獨賞我以詩文懸之○
杖頭夜行有照乘珠矣○何必唱驪歌勸杯酒○戀於
陽關道上哉○
杯酒陽關詩已釋前

答黃中翰

許以忠

驪駒歌○羅環珮香存風引○片帆忽從天上去○故人
回首悵望奈何○倘江流遇鯉○幸寄一隻悵我調餞之
愜○
古詩遺我雙鯉魚○中有尺幅書○詩云未見君
子愜如調飢既見君子我心則夷

與孫明甫叙別

湯賓尹

自舍萊城之日為大雨所苦○不及進一面孰知即走
道青陽也○人生一別如此○我迺負蕭瑟之態○于今腸
作輪轉耳○百苦誰能曉之○六郎謬謂知我能知我否
也○少年政好淬礪○莫作爾故人雙落飛揚直上○去稍
生色乎知己者耳○

竹卷

錢別彙

何益

詩計程今
夕到揚州
○文選矣
輟譚天口
如懸河
蕭何曹參
皆起身自
刀筆吏
○詩折梅逢
驛使寄身
龍頭人

與友

長公燕京之行○摩○安○紫○電○蹀○躑○晨○息○計○程○應○說○到○揚○
州○乎○然○長○公○有○矣○輟○之○智○懸○河○之○口○洗○捷○徑○取○功○名○
○六○夫○夫○一○奇○疇○謂○蕭○曹○偉○業○不○起○之○刀○筆○間○哉○第○長○
公○行○矣○鄙○人○不○能○祖○之○于○亭○甚○愧○通○家○誼○也○丹○荔○數○
十○顆○僕○得○之○于○闕○茲○以○南○省○之○果○當○龍○頭○之○春○惟○
下○擘○天○漿○而○啖○見○鄙○人○甜○意○

余應虬

與侍御蔡梅巖

連德芳

蔡道見王
祭而奇之
富峯盈門
閭繁在門
倒屣迎之
○牙冠馳
馬御史之
稱○未壁
賦云不覺
東方之既
白

杜牧寄揚
州韓判官
詩云二十
四橋明月

門○下○鴻○鵠○舉○矣○浩○然○堂○柏○葉○鶴○頭○依○然○作○倒○履○之
狀○誰○謂○物○亦○有○情○尔○不○佞○之○辱○于○門○下○者○數○瀕
行○擬○叩○牙○馳○與○二○三○君○子○共○祖○于○十○里○之○南○或○可○續
浩○然○堂○寸○馨○耳○不○謂○東○方○未○白○蒼○頭○報○馳○馬○業○已○十
里○之○外○矣○負○歎○負○歎○

與龍君御

許以忠

昨○追○送○至○清○涼○臺○畔○官○人○已○發○去○韜○矣○見○花○柳○爭○妍
江○濤○作○響○知○使○君○聲○色○尚○留○山○水○間○也○抵○廣○陵○踏○二

夜玉人何
處教吹蕭

十四橋殘月還對屋梁問許生不

與王麟洲

王穉登

抱朴子云
軍始發大
風甚兩起
于後旌旗
前指金鼓
清明大勝

前旌遠發極欲把臂須臾昨候送者於水濱客如魚
貫不能望見顏色門下方困於客僕亦何敢重困門
下遂不及歌驪駒為送甚缺然也

叙別友懷思

孫虞佐

彼采葛兮
詩見前
古調相思
不相見同

別足下未易裘而采葛之歌種不置每對屋頭落
月簾外飄風猶憶在樽酒把臂時也不知風清月朗
之下足下亦曾咏相思不相見無也書去神違母任
注詩望之不見搔首躊躇玆主以泣涕泗如雨

與潘茂碩叙別

袁宏道

五馬大夫
官也木
石魚鳥相
親飲酒圍
棋為事
樗櫟散材
無用于世

燕中一別忽七年人生幾何時而睽隔若此今仁
兄翻五馬而弟猶故吾也唯是木石以為曹署魚
鳥以為齊民觴政奕格以為令甲自外廷疎之性其
為經濟固爾不中繩之樗于世竟何益也

與簡慶源懷別

張璧

敘別景

函閣雖大
九泥可封
○揚子法
言鴻飛冥
莫弋者何
莫○愚公
出移山操
蛇神告帝
帝舍一山
措荆東一
山措雍南
喻事必可
為意

會合日少
別離日多
昔人所悲
○去壁賦
希核既盡
杯盤狼籍
○張敏高
惠相思于
夢中相見
時既神交

隋文帝伐
陳曰豈可
限衣帶之
水而不極
之乎○詩
開簾風動

夫肝膽兄弟每憶金陵共事時○非弟過夫即夫過弟○
九泥封貯傾吐竟日○即壘墮漏殘猶刺○不休頃共
袁山一片地○匪絕域也○相望不百舍○匪數千里也○徂
冬寒江入春濤雨○知達人矯○冥鴻立言不朽○人世
榮名奚屑焉○弟兀然斗室○委餌如山○見輩失學徒學
愚公移山之計○瀟○近况○奚足為翁丈述乎○
別後懷蔡庶憲
許以忠

十載睽違一朝聚晤○既以為歡而遽爾別去○不能不
悵然也○吾兄事業嶄然雲霄之上○如弟洞心○泥塗妻
子同旅何足數哉○途出緱溪回首丹霞曷勝急切兄
于杯盤狼籍歌舞得意之時○念及弟否乎○弟嘗
于夢中見之○書不盡懷伏惟鈞照不宣

答許君信
○秋○風○判○袂○夜○月○登○舟○回○首○故○人○不○覺○有○衣○帶○之○隔○矣○
○江○上○觀○芙蓉○以○練○句○覽○鷗○鴈○以○敷○詞○張○生○固○吟○思○乎○
○叔○子○月○落○梁○頭○風○來○簾○外○跡○子○離○不○坐○想○乎○張○生○盈

十一
竹
三九
戲別東

竹疑是故人來

盈○此○水○脈○
此○語○秋○
此○別○

詩春色惱人恨不得
○詩丁香香
時結雨中
志

別○許○君○信○
○來○凡○百○都○
○分○風○雨○乎○如○
○去○不○信○請○看○
○丁香○枝○上○
○豆○蔻○梢○頭○
○別○來○凡○百○都○
○去○不○信○請○看○
○丁香○枝○上○
○豆○蔻○梢○頭○
○別○來○凡○百○都○
○去○不○信○請○看○
○丁香○枝○上○
○豆○蔻○梢○頭○

別後追想

李廷機

水山寒澤水國地火
明夷俱卦
名○詩思
美人兮天一方○

自○無○臺○會○晤○
○夷○詆○人○寧○無○恙○乎○
○事○張○當○何○如○
○弟○月○明○橫○笛○
○風○起○悲○茄○
○碩○瞻○朋○儔○
○各○在○一○涯○
○西○方○

陽山有迴雁峯○王
陽沽後貢禹彈射時
人語其相存也

其○如○衡○陽○鳳○
○兄○署○中○觀○
○止○故○人○彈○冠○之○慶○
○已○還○朝○陽○近○日○月○矣○
○此○蒼○生○幸○何○

寄梁乾吉

曾省吾

鐵柱柳門地名○柴
尤与黃帝戰帝命吹
角作龍鳴以禦之○
李陵答蘇卿書胡笳

奉○晤○西○甸○
○已○西○巡○
○越○鐵○柱○柳○門○
○第○月○明○橫○笛○
○風○起○悲○茄○
○碩○瞻○朋○儔○
○各○在○一○涯○
○西○方○

悲鳴

美人增我勞結

古詩云相去萬餘里各在天一涯

別後相思

黃起鰲

極首躊躇
見前○魏
文侯與廣
人約獵合
飲酒天西
之罷宴而
往不失其
期

別是下于文江弟登舟君就馬矣然弟以滿船別恨
載過江南不知馬上行人去有一轡離愁無而極首
嘆西風也佳溪之約弗避風雨君須作魏文侯弟之
效尾生矣
尾生與女子約水至尾生不去抱橋死

別後懷李茂之

甯士衛

○依揚衣石

別是下多許時都不記得是下云深巷寒砧切重

○前餓馬
○老子騎
牛出函谷
關吏尹
喜望而候
之○魏武
安無意于
魏其侯終
不相信

簷缺索錦上懸蟀清吟戶下做成一片秋聲而今何
如耶維歲之陰矣耳牛背可跨弟之詐開尹伏望真
人噤氣矣誰虞其詔魏其乎會晤成虛延佇徒棘前
程泮汗携手何時

旅途懷友

陳子貞

南郭先生
滋吹茅言
其冒窮林
食也○文
衡結云一
字之憂榮

不佞貞西吳鄙有濫竿士衡大比西徑榮怨叢集獨
以得近海內賢豪為一生快事過沐門下篤念世講
噫植有加國籍寵靈幸得馳負而去復乘教之華衮

翰華表一
德之手集
重百朋○
江右有像
章郡○鑽
燹改火已
易一期○
古人高詠
薄雲天

詩九月授
衣○張嘉
貞為相弟
金吾與
何里○秋
仁傑言文
皇帝櫛風
沐而過你
爭附

孫劉破曹
火攻赤壁
○詩曰母
金聖尔音
而有遐心
○供俸經
道官也○

一字百朋載德而西已於初夏月十二月抵豫章矣
觸目故園春秋忘易方滌灰粟之悲而回首江東燧
火一更又重雲樹之嘆如矢高詠何日可忘送後南
還謹以尺素佈謝伏惟為道自至以膺大拜以慰遐
思詩渭北春天樹江東日暮雲何時一樽酒重與
細論文

別後奉訊

陳琳

別而南再授衣矣北眺金臺白雲洋洋念諸故人並
馬鳴珂聯席抽藻何啻壺嶠也萬里之外目觀戎戟
櫛沐關山蕪之風露漸成病子矣子與入燕群公聚
首故人志有遐心乎草附訊道遙緒長臨風悵惘

與童內方

王述陳

僕與門下深託志氣其合非強未壁一別憂患相仍
蕪之阻脩缺然禮問顧我同久豈有遐心今知執事
暫達供奉展謁桑梓乃敢致書門下抱弛慢之罪渡
有憤憑之悰異伸於知己幸毋惡其強聒也

與龔惟學

袁宏道

錢別

秋水長天一色此句
何處得來
○白帝涼風
○白帝涼風
○白帝涼風
○白帝涼風
○白帝涼風
○白帝涼風
○白帝涼風
○白帝涼風
○白帝涼風
○白帝涼風

滕王閣序
萍水相逢
○是地鄉
○是地鄉
○是地鄉
○是地鄉
○是地鄉
○是地鄉
○是地鄉
○是地鄉
○是地鄉
○是地鄉

帝射書
浮雁帛書

晉溪地名
○羅借疲
○羅借疲
○羅借疲
○羅借疲
○羅借疲
○羅借疲
○羅借疲
○羅借疲
○羅借疲
○羅借疲

黃州是周
瑜火攻曹

秋○水○長○天○一○色○此○句○
何○處○得○來○
○白○帝○涼○風○
○白○帝○涼○風○
○白○帝○涼○風○
○白○帝○涼○風○
○白○帝○涼○風○
○白○帝○涼○風○
○白○帝○涼○風○
○白○帝○涼○風○
○白○帝○涼○風○

美○人○兮○天○一○方○之○嘆○爾○秋○場○
意○有○所○待○耶○來○科○特○出○奇○師○一○戰○而○趙○旗○旋○矣○
侯○之○
唐○詩○一○戰○文○場○拔○趙○旗○
韓○信○破○趙○旗○
立○漢○

懷汪君叙置書

歌○畫○明○月○袂○判○晉○溪○傷○心○時○傷○心○
于○威○儀○屈○指○几○授○衣○矣○不○寄○相○思○一○字○天○下○有○無○心○
人○為○如○此○哉○豈○大○洪○嶺○亦○有○迴○鴈○峰○耶○極○目○雲○山○信○
吾○菴○結○去○大○洪○嶺○初○門○山○回○鴈○峯○在○衡○陽○雁○至○此○回○

東友

文○旆○回○自○黃○州○未○壁○之○下○風○月○必○無○恙○而○煙○波○萬○頃○
林○有○潤○

歸請云洗
泥又名軟
乞俗曰脫
獲提云同
請

儼然蘇公作賦時只下徘徊覽眺錦囊中寧不有佳
句乎村釀一卮聊為軟足必分楚江風月將鄙人
渴塵消之
蘇東坡作未壁賦一楚地今大明鏡誌
屬湖廣黃州府特其一郡耳

謝玉珠置書
謝玉珠置書
謝玉珠置書

千古斯文

匏卷

古関 猶龍子余應虬 纂輯
昭武 筆洞生徐奮鵬 校釋

辭謝暈

謝張少泉父母

許以忠

以忠窶居無長物。惟未壁兩篇。黃庭一卷。是受用家
私耳。茲拜豐儀。窮見暴富。四壁起生霞之氣矣。寢梅
花帳。則眠雲卧雪。清夢可成。弄玉容丸。則絕垢生香。

禪宗暴富
乞身休說
夢○紙帳
詩卧雪眠
雲自一家
○梅福傳

匏卷

辭謝暈

爵祿若所
以礪世磨
鈍也○西
銘云負賤
憂戚庸王
女於成

千金之裘
非一狐之
腋○毛寶
放電後投
江躡電得
生○楊寶
救雀啣環

晉御能貴
賤人○慙
愚直貌○
漢武帝曰
甚矣汲黯
之慙

魏舒堂
人之領袖
○詩言夜
雨臨床○
王羲之字
如龍跳席

肌顏可潤○捧魚臺硯○則礪世磨鈍○玉成有賴○而金崩
竹如意○更有清風高節○留傳不朽也○至俸兩之捐忠
又何幸因明公之外惠○而得餐天祿哉

謝趙王賚阜袍袴

庾信

懸○檄○巧○縹○變○躡○奇○文○鳳○不○去○而○恒○飛○花○難○寒○而○不○落○
披○千○金○之○暫○煖○棄○百○結○之○長○寒○永○無○黃○葛○之○嗟○方○見○
青○綾○之○重○對○天○山○之○積○雪○尚○得○開○衿○冒○廣○廈○之○長○風○
猶○當○揮○汗○白○龜○報○主○終○自○無○期○黃○雀○酬○恩○竟○知○何○日○

與曹吏部

張翰翔

大抵操趙孟之權者○能壞人之做官○不能壞人之做
人○僕性慙○不耐趨權○僅以官爵還之朝家耳○何至
自壞人品○卑○不錄人齒類耶

謝馬道行杪覺迷

審仕衛

香名傾耳宿瞻領袖于光風○精舍對床○幸托芝蘭于
化日○冥緣禪說得沐楷書龍跳虎卧○奢側理之增輝
柳骨顏筋想淵源○其有漸窮途乏賣賦之金於何潤

卧○柳公
叔顏真卿

東坡云寧
可食無肉
不可居無
竹云

北齊孔稚
門庭之內
草萊不剪
中有蛙鳴

吹○穀梁
傳一字之
褒崇于華
表云云

孔李通家
松江鱸魚
西腮者珍
○劉玄石
范中山醉
于日酒○
項籍一怒
人服慄馬

筆開戶得落楓之句敢擬佩刀

魯公相如賣長門

答王口北

徐渭

野客清寒僧厨齋
承此肉食之盛
思無竹之雅言
刑諸圖畫
惟公超雅諒不柳榆停筆
以思捫心知感

謝劉君錫山人惠儀

張沛

足下楚人也而作楚調
翻白雲飛出歌喉
不佞吳中愴父
柰何送蚯蚓中而作鼓吹聲也
抵聽之以恣

心目之快耳更辱華袞之貽丹青之贈
凄其阮籍含笑長途矣
所惠宣盤甚美然鞍馬陸馳不便携挾
謹頌使乎壁上
相如面責秦王與約此使者完璧歸趙

謝史松江鶴峯

俞大寶

不佞以通家末誼
趨謁公署仁兄宴我以四腮之魚
飲我以玄石之酒
瀕行錫以金幣
侑之佳什掛於舟中
夜光照水蛟龍辟易
三老震驚謹什
嚴藏之篋笥不敢輕啟
歸見妻孥出金貨粟
以免數月啼餓矣矧

詩謝景

俱驚辟易
數里○三
老舟人愚
人藏燕石

盧怪慎居
僅蔽風雨
枳棘之地
非鳶鳳所
栖○漢仇
香為主簿

王夷甫別
有一種清

毛骨悚然

賀知章見
李白呼為
摘仙○蕪
關即蕪湖
○篙師舟
人也○杜
詩五夜漏
教催曉箭
九重春色
醉仙苑

又有一楮明珠堪作傳世珍乎兄亦惠我多矣護
送旋謹嚮風九頓以謝

與許君信

管橋

彈丸救廬不蔽風雨僅同枳棘非鳶鳳久棲之地也

何當重價賜乎謹壁上蛟龍雲雨一旦霄漢幸亡忘

此日池中也周瑜言劉備蛟龍得雲雨終非池中物也

與郭孟涓謝賜

余應虬

觸暑臨存已拜勤注備以儀物沃以清談往歲黃埃

控惚中人灑然毛骨俱爽孤帆西引神飄下與畫鷁

俱逝矣鷁水鳥江東人畫鷁于舡首故舡曰畫鷁

謝守冲姜民部候訊

彭宣

不作皺眉狀惟朗吟一律長揖摘仙果伏神護次早

即叩蕪關因篙師告倦慢櫓輕搖初七日始登龍橋

岸時側耳漏聲已催曉箭矣歎朝神昏體憊未全刻

溪主人走報乃承倦下頷問師友道氣到底親切自

出常情調外矣謹述以復

此東上范
亮卿司馬
書既得際
復望蜀
詩中心藏
之何日忘
之

東海有兩司馬也。而賢不肖乎。時籍甚耳。中矣。往識
張司馬天矯如神龍。顧於明公。未有謁也。缺然如望
蜀。蓋中心藏之者。又十年。
與張都憲酬知己
執事之於倫。猶春風之於草也。草不謝榮於春。風春
風。不自知其為草之榮也。何以為知己。報我。

寄王鴻臚

王穉登

見申叔夫
手所謂生
死而骨肉
也。楊室
救黃鸞現
前

陳生厄在几上。公起白骨而肉之。陰德十倍於弘農
君。第無環為贈。不及華陰雀。雖然哀王孫者。豈望
報耶。
漂母投食於韓信。曰。吾哀王孫。豈望報哉。以
韓信為韓王之後也。

與沈少卿謝吹噓

王穉登

漢鄭當時
常有薦賢
之心。每于
上喜之時
推轂人才
語云。死
灰不復燃
只噓其燼

拜函教之辱者。而再感不去心。大司空之推轂。不肖
也。則以足下故。不肖醜謬。無似寒如。死灰。迺賢伯仲
交口而噓其燼。惟恐其不燎煬也。此是奇男子耳。曷
文選云。大丈夫當為宇宙間一奇男子。如徒碌
已也。亦空生人世矣。

耳

江右益王
府屬豫章
○信陵虛
左席禮侯
生

詩云天目
落眼中○
又詩奚囊
貯滿漢雲
○詩修竹
風聲響松
下好徜徉
○佛家有

岸
○海無
○頭是

隋侯有明
月之珠可
○照車數乘
○文衡云
古樂不作
新鼓代變
有操瑟齊
門者闌人
曰齊王好
琴而子鼓
瑟鼓瑟雖
二如不好

辭存友

王世貞

豫章諸王孫最稱好士。豈不能虛左足下。無庸僕荐。而石重。是掩王孫之美矣。主臣幸勿以僕為靳。

與凌稚招謝惠問

屠隆

天目落眼。愁雲如畫。想見使君。隱囊紗帽。徜徉長松。脩竹之下。吏牘侵人。不能以賤姓名。一通欵曲。門下乃辱惠問。先及掩面。自慙其中。歲不聞道。涉歷世艱。流浪苦海。官旣拓落。學植亦荒。惟日夜思。逃深山。以

以自寬。則又奈此世網何。

辭王孫徵召

劉曰寧

不佞環堵蕭然。無長物。君侯伯仲。以兩明月投之。遂令偷兒執兵。夜覘其室。奈何新聲變而詭隨者。靡然虛有其表。函中之器。而中莖蕘。何味哉。不如瓦鐺烹伏雌。可飽也。君侯走使者而詢不佞。不佞何以報乎。欲事吹竽。今老矣。有當時之瑟。在取為君侯鼓。再行又恐君侯卧也。

魏文侯聽鄭衛之音。則靡上忘倦。聽古樂則惟恐卧。

書集範卷

六

辭謝彙

何 貨殖傳 蘇愉生 明月之珠 投于道傍 人莫不接 劍相射

賴性 武帝 而先 問答 柳弱 秋先

甲子 郭子 使至 嗣西 曰此 與人

詩云 復連 文選 步月 吸露 飲仙

與吳明卿

釋登一 些森夫 夫耳目 不能矚 五尺光 氣不能 吐萬 夫虹負 四海一 室囊中 惡少鮮 不按劍 而柳榆 之 夫一人 一見而 物色為 釋登於 夫人有 風綠 玳

與蕭淳吾辭關節

鄙人 德閱一 花甲髮 駸下 欲短 蒲柳姿 似不勝 秋色 每閱書 則就几 上夢蕉 鹿何物 絳縣老 人而妄 言甲子 四百卅 唯彼蒼 肯慈假 以救年 看蕭郎 聳壑為 足

矣某生 所為不 執縣欲 撲殺此 獠足比 之驅蚊 扇也

僕謝政 後不與 人一膝 亦不借 人以舌 薑桂性 老愈

辣也今 日之事 欲僕輩 斡旋僕 不能為 張公而 且為

馮婦矣 辭 張公論 事有回 天之力 見魏徵 贊張玄

謝高子明

卧病江 干頻得 故人來 訊雨中 連榻花 下飛觴 進艇 長波散 髮弄月 紫簫玉 笛颯起 中流白 露可食 天河 在袖此 人間至 賤而僕 得與故 人共之

宗臣

詩曰了
干旌在後
之城○又
詩曰○衡門
之下○可以
棲遲

東坡以柱
杖詩壽張
安道先生
真是地行
仙住世因
精五百年

尚書立政
蒿不夢面
墻蒞事惟
煩

鉛汞水火
二丹煉之
坎離交濟
劉使君素
紹烈謂孔
昭烈謂孔
明曰君才
十倍曹丕

雨天辭客訪

余應虬

伏聞干旌將枉衡門○獻歲屬此淫霖○泱泱載途○安敢
辱候吏○况山家潦泉谿毛○未能出戶采汲也○敬辭佳
客之辱○
左傳澗溪沿沚之毛可以羞王公

與張同年謝嘉製

魏允中

昨披襟步月散髮弄花拍手浩歌林莽嚮答此地行
仙樂事也且領佳製盪滌塵思何異登蓬萊山頂與
八公酌和哉快矣

與卓月坡謝惠文

王倖

承惠佳刻○開於披對○如入萬花深谷中○令人不暇接
目○自媿面墻不能拾佩一枝○徒擊賞三歎耳

謝友政文

黃履康

拙序原屬鉛汞得仙人一點化便成金丹矣拙刻欲
借門下一品題天下英雄惟使君與操然以操尚讓
使君十倍何况區區袁劉輩耶

謝友華札

余應虬

書集覽卷

詩謝量

交道論云
道義相成
思諭骨肉
○左傳寡
人處南海
君處北海
惟是風馬
牛不相及

司馬迂作
史記○漢
元符中見
真人乘大
葉舟水上
卧觀書

蒼頭奴名
如長鬚赤
脚之類○
古人高義
薄雲天○
舉子業謂
上拜公車
○語云升
之雲霄之
上

釋氏有言
不徒臨不

囊不佞之與足下交也。道義骨肉殷勤。鄰魯以
來。指曷可數。屈也。不佞處塞北。足下處淮南。惟是
風馬牛不相及矣。何來華翰。飛詢陳人。緬惟大雅。則
魂我搖而淚欲下。何時再晤。傾倒此肝。膈為幸。無方
與劉惟衡謝惠史記
丁此言
遷史之既重。于百朋。禦見獨棄。此道旁。慮盜。執乃閔
吏取而進之。完好弗減。于初想。太乙真人。豫知消息。
密令六甲神呵護。

復彭允登

王兆雲

蒼頭歸捧手書。字上出翁兄肺腑。亦字上入弟肺腑。
也。高義如此。可薄雲天。求之古人。亦罕儷矣。又承誠
弟省人事。捐雜作專工。公車業。此其相望。何慙。儼耶。
他日倘得離林坳。而升雲霄。則皆兄翁。既也。敢忘大
德乎。
忘我大德。脩我少愆。蓋交道若斯之難也。論
衡

答徐孟孺

王釋登

丹陽道中。得奉嘯言。甚樂。乃竟失之。梁溪世界。誠缺

釋氏有言
不徒臨不

辭謝景

成世界○
鄒衍吹律
寒谷生春
○謀野則
工雕虫未
枝壯夫不
為

回壯驪○
美出使詩
○雙南金
價○渭北
春天樹李
杜相思詩

駱賓王集
腐草化為
螢云○
語云貂不
是狗尾續

鍾繇顏真
卿古之善
書者○黃
帝遺珠赤
水象固求
之而得

陷○我○兩○雪○馮○陵○客○子○索○書○者○鴈○行○門○外○恨○此○腕○之○不
僵○損○書○温○然○可○當○黍○生○幽○谷○也○謀○野○者○雕○虫○之○未○技○
乃○索○梓○相○仍○一○何○羊○棗○之○嗜○乎○如○不○惜○木○灾○敬○聞○矣○

東獨山孫長史謝札

林鳴盛

在陵瘵曠○受益宏深○瀕行時○青郊屋四牡○先生簪組
之間○珍貺重獲南寵○溢圖書之右○感金石之况○味百
結寸衷○望雲樹而徬徨○五風千里○不盡謝祈鑒○只

謝蔣山人題園景

胡煥然

小園寮落已極○得大為之品題○枯木成龍○腐草化蕙
矣○感謝感謝○弟不嫌續貂○強和數篇○唯賜庭而教之○
真○
戰國策云惟先生賜而庭教之○狐不敢效筆

謝惠詩扇

魏允中

扇頭佳製○颯上平直○逼唐人門戶○指法通麗○要使鍾
顏三舍不意○未水玄珠○乃得之同象○什祿藏之○猶不
覺時○
發光怪也

答蕭司理惠詩扇

張沛

詳謝景

孫綽作天台賦范榮期曰擲地當作金穀

米家書畫

與王右軍齊名學者

輒宗右軍

庚云小兒輩戲家鷄愛野鷺

鄧人陽春白雲之調

其和彌寡

穀梁序一字之褒榮于筆袞離亭入別離者折柳中亭

舉木恨人力不齊前呼邪后呼許○南宮

承惠詩。扇若獲奇璫。揮之清風來。誦之金聲奏。臺下風聲。從此籍工鄙人矣。

與莫廷韓謝詩序

馮大受

卧遊詩得足下序始稱日者將有委東之後得携此以往米家船生色矣家弟顯甫欲得足下書非不愛家雞兼欲得足下耳

與許君信辭和詩

王兆雲

君信送春谷中來携得僊葩挿入時藝中全觀者眩目僕欲歌白雪而未能慚為鄧人也奈何

寄王孝廉謝贖詩

陳公相

不佞北行。榮以詩章。寵踰華袞。復錫厚贖。將之離亭。種上雅情。刺入心骨。鼓柁渡江。煙雲非故。回望敬亭。真如天隔。遙憶同心。惟有馳憲。

病中辭友求字

周天球

病起弄柔翰。如舉南山大木。邪許不得前。又如揭夏后九鼎。手擔一舉。汗已及踵。如此情况。縱勉強支梧。

許○南宮

詩集

卷

謝

米元章○
魏國趙孟

寒光出匣
明霜雪紫
氣冲天射
斗牛○杜
詩銛鋒瑩
鵬鷄蓋鷄
膏塗刀永
不綉滋

風胡識劍
人提衣服
端心豹性
西門豹性
急佩常以
自寬宥子
賤性緩佩
弦以自急

詩玄都觀
裡桃千樹
盡是劉郎
去後栽○
庾翼鮑宣
文字齊名

終成塗鴉○以取笑於南宮魏國○謹辭來命○以俟病愈○

謝王養恬贈劍

許以忠

豐城神物○光射斗墟○足下把似以忠○謂忠壯士○乎願

異日佩向上方○佞人褫魄○則足下礪世磨鈍之功○特

藉手以忠耳○倘徒看引杯長○豈吾兩人襟期也○當塗

鵬鷄○用試明威○

答宗子相惠劍帶

王元美

讀足下寶劍編○覺三尺鐵從風胡冶中來○卸袖而彈

之○天門劃然中開○東海決乎大風矣○寶劍取其斷

决腰帶○勉以提身○神羊利用觸邪○敢不拜蚤○夜業弦

之○佩以嘉承君之大貺○

謝劉莘父惠扇

王惇

一○別一年來矣○問玄都○觀裏桃花○別後再開○多少人

壽○幾何能無離合之感○辱惠扇頭詩○妙麗清婉○前掩

庾○鮑○開○械○把○讀○如○見○其○人○

謝友人杯扇

張璧

尊侯明德
君子何以
病瘧答曰
來病若子
所以為瘧
耳出世說

語云振衣
千仞上濯
足萬里流
○辛芋翁
著茶經七
篇人謂茶
仙

摩詰三維
字性之乃
願長庚字
朱芾蓄書
畫題曰米
家書畫船

張僧繇畫
兩龍一點
即飛去○
晉漁人入
桃源路見
先世避秦
亂至此今
不知漢晉

奉別月餘每於公移中如親色笑也頃以病瘧涉旬
伏枕中忽承遠惠重達高雅謹拜杯扇二種即日披
揚仁風引滿大爵以是稱隆情而已

謝惠茶扇

許以忠

天池佳品與延賓客者相宜當益以妙筆即取風吹
瓦鐺沸清泉而滿吸枯腸頓潤兩脰生涼不減被襟
千仞從仙掌上吸金莖露也當倩素芋翁著經以謝

謝呂蒼南餽畫

陳文燭

山樓一圖縣之座右南浦寒雲西山朗月時工照護
益知摩詰性之諸君子品流高潔故落筆有神足下
畫有仙氣矣益增米家船之重焉

謝友惠畫

余應虬

蒼頭持圖來對之慷慨欲飛非先生神筆豈今鄙人
至此但恨俱已點眼若一時大發光怪忽為上昇使
鄙人又窺耳冊葉小景用墨有仙氣對之如行桃
花源中彼雙鬟赤脚者豈先生耶塵心未盡不能辭

詩集 鮑卷 十三 辭謝景

盧莫合九
轉大還丹

家長遊異日。倘遂漁人之興。當詣乞大還丹矣。

謝范天然惠軸

吳曰誠

三命孔正
考父昂銘

寶軸之頒。榮逾三命。喜溢百朋。采並鳳穴之毛。若獲

百朋五貝
為朋○雲

驪珠於碧海。香鬣桂林之蔭。擬聞仙樂於清霄。秣陵

樹杜懷友
詩

雲樹曷任瞻。依廬岳山川。不勝翹企。

謝惠畫竹

黃起鰲

王徽之咏
竹曰何可

繪竹下惠。被之呆愚間。儼上然。令人無俗氣矣。及類

無此君綠
筠軒詩中

聆馨效。則如時對此君之諷詠。其所以醫藥我者。又

可醫意

多乎。感謝感謝

答受曆燭

余應虬

燕膏韓文
曰燕膏油

恭承曆燭。惠益如也。奉曆則寒華生春。秉燭則重昏

以程碧

見曉。且示吾增甲子。而燕膏以饋。不可緩也。謹烘筆

裁謝

謝金瞻吾馬尾中

甯仕衛

墨子燕爰
摩頂放踵

今見昔惠。余鴉頭襪。足下今惠我馬尾巾。自頂放踵。

○南潤明
歸去來辭

忘叨君家衣飾。玆何昔矯首。舉足於丹霄。以不辱君

云時矯首以遐觀

家賜

語云何日舉足雲霄出人一頭地耶

水華喻絹霜潔喻葛

素來水華。縞文霜潔。交溽暑於閨閣。起涼風於襟袖。

謝惠履

王祥登

一飛燕一鉢到處是家也

紆履奉還。躡躡之夫。安所事此。吾師研鉢。罄然豈宜更損財施乎。

謝王仲山惠筆

張佳衛

李白詩峨眉山月半

承惠名筆。雲生四壁。其山水之出。奇若移峨眉。峒峽諸峯。而崛起豪素之上矣。

謝吳茂林惠硯

王祥登

蘇秦曰使吾若有負郭之田。安能佩六國印。

名研之惠。當不去案頭。泚筆其間。聊以餬口。執事田我洛陽。負郭。然不知何以為報耳。

薛惠惡墨

鄭維嶽

黑松使者墨也。管居士筆也。石刺史硯也。楮先生紙也。

向所遣黑松使。殊欠清潤。隨令其僭管居士石刺史。朝夕送事。一訐其成。敗膚肌。一訐其污。跋毛髮。引楮先生為証。佐已發原。匣監禁。君家尚有此類。盡磔于

又名別溪
奇室

市

磔市如肆諸市朝之說喻必與眾共棄之也

謝惠休

許以忠

山谷云懋
臂休息非
夫人之職
名曰青奴
○秦穆公
夢至帝所
觀鈞天之
樂帝錫以

炎暑蒸人枕葦如火忽領青奴之惠心虛而淡體靜
而專不衣不食非凡非仙魔之即去招之即前置之
卧闔其寢安眠可以保夜氣可以夢鈞天對使拜嘉
終身有倚多為涼德之助矣謝

謝惠枕

王穉登

呂翁與盧
生一枕詩

邯鄲之夢幾熟黃梁授枕之心諒同此意清夜序時

枕上片時
春夢中行
盡江南數
千里

春夢必飛度於故人之側矣豈止感遊仙賜乎對使
鳴謝不盡
唐開元時龜茲國進瑪瑙枕之而夢
十洲三島因歸遊仙枕

答惠簟

黃起鰲

楚襄王與
宋玉遊高
唐夢巫山
僊女有賦

雲鎖陽臺何處覓巫城也足下以瀟湘簟贈我一枕
天風夢魂飄蕩不知身在巫山楚峽間矣謝

謝胡廷用致曆燭

穉仕衛

卷狀如登
之春臺
韓文焚膏
油以繼晷

恭承曆燭惠益如也奉曆則寒簟生春秉燭則重昏
見曉且吾增甲子而熱膏以憤不可緩也謝

千古新

卷

六

辭附彙

雪花白如玉名瓊屑
錦上添花裁財字

和氏璧價重連城
雲紗織錦巧奪天工

莊子齊物篇有天籟

地籟八籟
○易豫九四云勿疑朋盍簪

筆下龍蛇爭橫學海
○韓浦寄弟云十樣鸞
出益州助爾添脩五鳳樓

二人同心其利斷金

謝惠炭

瓊屑飛空容窓冷落承惠烏金寒威頓減固知雪中
炭勝錦上花也敬烘筆財謝

黃起鰲

謝送稿及剪刀

姜奇方

佳稿如和氏之璧不可多獲屢與鄙人是拙工切示
天巧也感謝何似刀剪拜惠敢忘裁成之義耶
謝惠刺耳

許以忠

內有道者多矣茲辱來賜得以束髮脩禮容開聾聞
天籟而盍簪之雅當頂戴不忘矣

謝胡叔宣惠香盒箋帖

甯仕衛

香盒既鈔味函蘭麝雲箋益爛沓弘龍蛇子之既余
者惟曰衣芳荼子已表文來于昔而者足基之耳拜
嘉之餘欲覓句以揚馨德祗恐其非鳳樓手也呵
謝惠香肥皂

許以忠

不肖溷迹風塵容難自潔拜嘉惠頓覺塵垢盡洗香

同心之言
其臭如蘭

莊子大匏
其實五石

刻以為匏
漸落無用

○尼父仲
尼腰大有

十圍

唐明皇云
羯鼓玉笛

乃人音之
酒袖五音

以宮為首
言樂也

○詩云魴
魚赤尾言

魚旁則尾
赤入旁則

頭白也○
歸詩六博

在一御鳥
虛叱旋回

犬隻授曰
六博○滄

古往字其
音用

生五濁。足下如蘭之契。當佩結。終身不解矣。

辭餽大木盤

王百谷

承惠木盤。大不堪湯沐。正如蒙莊氏所稱五石之匏。無益於僕。更製小者惠我。此大者戲下。携歸吳門。以贈腰大如尼父者可耳。

謝宴飲帖

祝世祿

歲月易逾。江山有待。輞川山水之奇。栗里田園之樂。東山絲竹之娛。各適其適。長者兼之。嘗自撰新聲界

之羯鼓。集秦數輩於階下。白雲未往。玄鶴且來。呼酒

屬客。乃引宮於瑤湫。不佞曾微惠悅。仰而鶴飲。為僊

風冷。生肘腋。至今若在。鴈蕩兩峰間。願以吏事。控

惚頭。白尾。赤至。人自有出。十世。勝果。如司空表聖。布

衣。鳩杖。赴邨社。以女奴為臺。自隨。與野老投壺。六博

為樂。識者高之。長者固闔其閤。執謾爾。寄聲。形留神

達。置書曰。寄報書去。神與俱去。故曰神往。

謝夜飲

孫觀揚

曹操云生子當如孫仲謀如劉景升兒豚犬輩耳

美景良辰賞心樂事○赤壁賦云如馮虛之御風一

貂裘貴服緼袍賤服○石崇置金谷園大

韓子云墨突不得黔孔席不暇煖○孟嘗君門下多士上客上座下客下座

昨坐景升見于虛左○飲河之粟已傾懸河之冰歸與上若作苦猶爾交攻五內即漏下五鼓尚未化蝶竟不知何物箋之克堪此平原雅誼耶謹裁短疏庸旌長謝
平原君好客每留飲輒酌酌作十日歡

謝王將軍邀飲
移觴就月拍板催歌名園夜飲大快賞心矣歸來酒龍飛舞散髮馮虛頓忘却身在窮途也謹叩九首以謝
阮籍窮途豈效猖狂之哭見王勃賦滕王閣序

辭王元禎專席

管一鯨

庖人新至突尚未黔何得驟吹金玉餉故人乎上座有尊客僕當來作下座主人若顯為僕且辭謝俟秋高桂馥時以公鹿宴殘膏啖我更勝披暑汗征衫也
杜甫贊云殘膏賸腹沾被后人

謝徐光祿邀飲

許以忠

珠履滿堂貂裘盈席不肖獨以緼袍下士歸然首偕蓋不必罰以金谷酒數而醜顏與醉色交映江顛矣

不說若罰

病卧不起
時又服藥
即有寒疾
不可以風
之意○武
步武也

季子落魄
貂裘已散
○庶頗將
軍每食米

二斗○黃

庭經帖王

羲之字○

澄嘔日入

之處虞公

戰酣操戈

指日○婿

稱岳翁為

大人峯○

塗抹若鴉

譬字醜也

燕葭倚玉
崇幸無方
左倚奉箕
篇以事左

幸遍謝之同席者

辭沈明鎮再使

連繼芳

拜命之辱。五臟神散。侍造席。偶以夜沐。納涼不覺。為
陰陽所寇。遂令大馬之軀。奉枕為宅。以藥侍餐。即
戶前。尚未能措一武。顯狀申謝。毋勤再使。為愛。

代弟謝飲

何有章

秋場落。不合。豈惟足下。失魄即知。已如不佞。亦將
悲黑貂裘散也。家大人去年幸無恙。雖頭毛種。如

銀頗能如。庶將軍善飯。猶喜開黃庭。乃今歲舉步索

鳩首。不勝其憊。日在崦嵫。吾安得魯公。戈耶。大庭西

席。伯高諸丈。抱舍弟而坐之。舍弟出巢之。雖羽翼未

捷。越鷄鵠卵。柰不勝何。然有足下者在。寧不可作丈

人峯乎。春寒烈。指筆不能楷。草。塗鴉耳。

辭姍家邀飲

鄧宗齡

小女稚弱。玉倚名門。冀常之司。深慚不稱。辱念姻雅

曲垂俯教。知德多矣。忝來仰屋。寵招分當。趨命第俗

言集卷

二

辭謝

右使者曰

蝟叢集謹再拜申謝並辭

謝黃翼吾邀飲

鄧志謨

堆盤春筍

夜來承佳召。無論九。豈皆珍。僕輩忘。朵頤也。者。惟紅

楊妃指

螯薦酒。美于西子之唇。春筍。誰盤。嫩若楊妃之指。

西子唇

此二品。而主人之愛客者。殷上矣。

冬至謝胡惟能酒

審仕衛

冬至一陽

一陽。灰。連。一線。愁。長。甚。我。余。之。落。莫。于。途。也。忌。水。木

之灰自吹

矣。賢。契。頓。惠。我。以。西。子。之。唇。雪。液。之。香。齋。祭。之。志。迎

云一線長

祥。否。拍。浮。其。中。世。事。身。事。都。付。之。醉。夢。何。須。獻。履。而

履

後。封。侯。哉。感。謝。

言。得。為。醉。鄉。侯。勝。萬。里。覓。封。侯。也。

辭吳文渠邀會

馮應箕

姚黃魏紫

紫。山。之。會。招。不。佞。入。社。中。不。佞。豈。敢。攢。眉。綠。足。下。等。

乃壯舟天

綽。約。花。神。鄧。生。姚。家。黃。李。生。魏。家。紫。宋。生。亦。楊。家。一

春華家丞

捻。紅。蕙。芳。闥。靡。艷。弄。春。華。又。何。必。仲。蔚。蓬。蒿。哉。祇。辭。

謝曹近陽餽茶

陳文燭

任夫人微

承。惠。新。茶。紫。英。綠。華。真。名。品。也。浣。花。溪。細。雨。滕。王。閣

時見一僧

承。惠。新。茶。紫。英。綠。華。真。名。品。也。

二

辭謝

雁其袖百
花滿潭

清風何時與故人一把手論心耶

謝思進司理賜酒

沈明臣

畢卓盜飲
同舍郎酒
王績有杜
康布碑醉
鄉記俗言
酒德

蒼頭還持使君斗酒來。客雖發有德至者相對甚歡。共飲君德矣。但止五升。豈逢次適畢吏部盜耶。因報一捧腹。毋問其去向。傷醉鄉和氣也。

謝惠油酒

鄧志謨

晉車胤螢
火照讀
宋王賦蘭

生平無貂可解。有螢在囊。君之賜大矣。然迨清負。欲醉竹葉。則恐負蘭膏。容思所以處之。

辭餽銀并酒資

王穉登

菩薩五戒
一戒飲酒
朱提君
白金名也
相如叱
秦王不償
呼使者完
壁返趙

足下廉吏。柰捐俸下惠。辭曰酒資。則不佞尊菩薩戒。不飲又矣。安資此朱提為。慶下婢頭焦髮禿。白苧作衫。青苧作裙。猶具不稱。何敢拜錦綺之錫乎。謹受意。返璧。僕有辭矣。

謝友惠竹葉清酒

余應允

王壺春即
上若酒也
王太曰
阮籍胸中

古。枯。十。萬。家。和。氣。釀。為。烟。雨。樓。中。玉。壺。春。色。一。日。飛。下。七。十。二。灘。與。鄙。人。澆。胸。中。之。磊。塊。對。林。間。傾。之。與。

磊塊須以酒澆之

徐陵母夢五色雲化鳳已而生陵時有室誌上人摩其項曰天上石麒麟○孟嘗君門下三千珠履客

碧琅玕一色

謝徐王易餽豚蹄

許以忠

形雲密佈仙桂飄香正是足下石麟呈瑞維鳳朝陽之秋而逆子業已摺柬待賀矣願詩箋之投風韻怡情敢對秋飈而捐去耶豚蹄不減握唇當留之而出清醕以償足下鹿宴餘惟也若珠履非逆子所宜竊臨者敢以璧之足下

謝友饋魚

蓮繼芳

尚書云海物惟錯喻海味入蔬腸如波臣入山谷

芳曦入也五內習知山穀野藪而已辱拜海錯之惠

東海波臣一旦笑入山谷遊蕞爾腸腑何當囊括山海如此

囊括六合席捲八荒出賈誼過秦論

謝何君延濱惠茗

林子美

晉何晏美姿武帝疑其傳粉○趙光逢方直溫潤人○高宗欲立武昭儀

傳粉即去矣木落淮南天際頭思君悵然哉彩翰頰示始知足下近狀足下勁直若朱絲繩溫潤如玉界尺乃橫被萋菲公伯察舌若楚盤郢又若延濱何延濱足下何必撲殺此獠也仙茗之惠雅愛殷了清乳

褚遂良不
可儀在簾
言曰何不
獲殺此獠

庖子治厨
者名也時
稱贊感
德謂之不
去口有望
見顏色之
思

周穆王車
轍馬跡通
于天下
張謩八月
乘槎渡銀
藻○盧同
性○飲茶一
飲七碗○
如馮虛遇
風出蘇東
坡遊赤壁
賦

天竺佛國
○先生即
觀音也○
釋氏悔憾

棒來喜閱月團三百片枯腸搜盡愧無文字五子言
顏汗領謝
盧仝賦惠茶開城宛見諫議面首閱月團三百片二語也茶歌

東太學周華斗

湯賓尹

往旋家一叩門下勿論切惠庖子即由是傾蓋於臨
臍也○壯哉孰謂秦無人還謁嚮郡朱侯○誓以咳感索
不去口則朱侯亦復不去口何所得長者馴雅之色
而更稱侯哉

病中謝友賜茶

毛文煥

永日扶病伏枕空林中且無車轍馬跡惟有蟬聲松
響一破窸窣耳夜來開窗卧看牛牛極思王君不獲
面談五里間渺若銀漢恨少張博望八月槎也忽辱
藻翰兼拜茶器急掃梧桐樹底烹金消水注之七碗
愛罷便覺馮虛欲仙矣容謝容謝

答朱在竹惠新粟

俞啟相

謁天竺先生歸衣上白雲猶丹乃拜新粟之貺紅
葉作薪青蔬充饌人天香供無以易此若居士塊然

憾其前愆
悔其後過

不能精解佛義為施者作福但合掌世尊懺悔耳

謝惠米

蕭相

晉穆州如
昔侯享

承米遠錫殊愛無已昔魏文帝云新城統米上風吹

之歌鹿鳴
對曰鹿鳴

之五里聞香相當塗人旅食茲土拜嘉所賜香友百

君所以嘉
君也敢不

里矣餘品鼎列口腹知息

謝惠竹

秦應虬

詩筍根釋
子無人見

辱命管生造至樹之林間釋子莖長它日高蔭涼生

隨偷竹
詩逸思

疎風籟起我公逸思可想見矣

謝賈藕

劉孝

楚王渡江
得萍實以

色華玉樹味冠瓊漿根出陽池聞之童約子為靈散

問孔子曰
此伯兆也

得自莊篇楚后江萍秦公海棗兀厥冰羞莫敢相輩

謝惠瓜

劉大受

漢武帝作
承露盤盛

弟病肺渴吻頗是頭柱郎娵娵茂陵時君以沉瓜嚼

煎和王屑
飲之金莖

之液澆齒牙涼生胸臆矣何異送仙人掌上吸金莖

銅柱中空
可通飲也

也謝

答張孟兩惠杏

劉大受

高瞻詩天
上碧桃和
露種○漢
武造曲江
池○唐明
皇封張九
齡於此
楊廷秀謝
惠楊梅云
風味勝他
物玉肌滋
朕水釋性
理中語

杏子佳甚。如得天上碧桃。且取數于三意。以三元兆
我乎。嚼之。瓊津滿頰。香散雙唇。不減向曲江宴上。啖
宮。儘也。謝。後秀士登科。因賜宴。柱此名曰曲江宴。
○謝惠楊梅
玉肌半醉生紅粟。墨暈微深染紫囊。楊梅之美。與荔
枝並驅矣。忽蒙分惠。兒童其鼓舞。我羣而食之。儼若
含驪珠而服丹砂。渴悶渙然。冰釋矣。謹謝。
謝惠橘
盧柳南

詩洞庭源
待蒲林霜
○吳姬三
日手猶香

渴想洞庭。此味久矣。茲拜右軍書後之賜。枯腸燥吻。
沾溉居多。然夜窓嘆霧。春筭生香。奈無吳姬何。
謝友存醫
魏邦達

晉蘇耽種
橘鑿井時
病瘦者飲
泉水食橘
葉即愈世
蹄橘井

某生病劇。延至麥秋。食以為不食。新僕之病不交睫。
者三月。幸蘇先生投以妙劑。起死骨而豐之也。此雖
蘇先生橘井仁澤。六臺下之卿雲庇矣。
潘元和

蔡君謨母
死陳烈注

承教之日長矣。值茲大變。匍匐而歸。豈徒痛親。兼苦
答朱恕銘謝吊
潘元和

千石

卷

千

詳

吊自其門
匍匐而進
人問之曰
此詩所謂
凡民有喪
匍匐救之

窀穸即墳
名○李陵
答蘇武書
人之相知
貴相知心
○黃雀含
環以報楊

楊彪子脩
為操所殺
憂曰悔無
日殫先見
之明猶懷
老牛舐犢
之愛○杜
詩為海并
州快剪刀
剪取吳松
半江水○
東方朔善
嘲復

別友出石頭城抵京口江濤聲哀鍾山雲遠入耳極
目肝腸斷盡言念厚奠繾綣之情先生並感臨風拜
謝北望悵然

謝作墓誌銘

鄧志謨

先大人卜窀穸于紫璜山下非敢望于龍岡穴也蒙
門下為之作銘將先大人行狀寫來如活誠千載知
友之相知也○黃雀含環以報楊
朽即僕一字未酬一環當不啻三生啣也謝

干托彙

干傳吳縣錄士

王穉登

渡江視汗邪卧病逆旅逆旅主人見操觚出就縣試
穉登心猝然不勝舐犢輒以無曲無回仰子使君幸
稍寘前行無及并州快剪更虛臺下惠也猶子無由
亦稍能射覆義不敢舍兄之子并以為請孟泰豚禡
而祝甌窵滿篝蓋穉登方禳田也乃遂禳諸臺下將
無仰天搏髀而笑之乎

淳于髡請益金壁車馬入
趙求救兵

韓信使人入趙壁拔趙幟立漢未幟○戰敗而走曰此

詩七月流火見于西方○人口不言謂林下寒蟬○

人與衛玠並立嘆曰珠王在前覺我形穢

左傳吳公子規周鼎為歌曰美北風○手大而婉險而易行以

讀見齋翁先生再試

周應賓

夏間過武林。辱荷芳問。故人久要之情。銘裏深矣。僕雖彼黜於公乎。然志狂甚。異日必得奪一未幟以賞。再北之恥者。足下寧許之乎。得毋為此言一笑耶。

東王德孺相詔

祝世祿

大火西流。涼風在樹。兀坐空齋。刊落詩字之技。情景蕭真。咄咄可人。獨慚為寒蟬給事。無可藉手以答明時。兄居輦轂之下矣。無問雅俗鉅細。衆聞獨見。可無

所以詔我

托繆當時潤色文章

周道昌

昨閱文社課。珠玉在前。覺我形穢。未嘗不反鏡羞面。孔也。文何以脂粉我。

托方子韓葺稿

鄧宗齡

詩思颯。大雅不減唐人風致。第太着意于此。大業障也。拙序多叛道之語。令人可厭。倘子韓秘而不傳。尤為愛我。秋闈想已大捷。固所願聞。吾輩進身之

德輔此則明主也

始此念容易轉移。干鈞之弩。發于寸括。幸子韓自愛。

托友買書

袁黃

膏其車飯其馬為遠

聞足下高車秣馬。將入吳中。吳文章之藪也。其制義且汗牛充棟矣。煩市數部。欲我顯蒙。則不佞受教不

克棟言文章之多也

在多言上謝

湯顯祖

僧稱為上人。釋迦名悉達。開

日卧叢林。聽上人請悉達宗旨。心境覺豁然矣。欲求原本以打破愚痴。歸舟幸代市之。開我員覺。成我洛

經中言心体之妙

浦此足下渡以寶筏也。謹和南西白以謝。

彭取友

蘇秦傳心。搖。如懸。旌云。○

久違眉宇。時曳心旌。茲有椿萱並茂圖。為家嚴慈所製也。序者記者。賦者詩者。名既盈軸矣。豈于君家兄

李白詩咳唾落九天

弟曾無一言之及耶。敢用拜懇于下。執事惟不賜鄙夷。既以珠玉。則感高雅殷。厚矣。滿擬躬造。溽暑中

隨風生珠玉。○程曉詩。今世祿

不欲為襪。襪子惟兄翁諒之。

鄧宗整

鍾繇鍾繇真
卿也○到
人運斤成
風聖去鼻
不傷

陳實荀淑
共談時德
星聚太史
占去曰百
里內有賢
人聚出後
漢史傳

○唐明皇
王后恩寵
日衰不自
安一日詠
曰三郎獨
不記阿忠
脫新丰臂
換一斗麵
為生日湯
餅即上感
悲憫之

莊讓玉篇
云道之真

走也鄙病。曾子固之所短。且為鍾顏家見所竊笑。敢
懷聖漫以就運斤。臺下無忘郢人乎。走之上願也。

旅次于求陸山人。樓頭尊酒。兩家父子促膝譚心。足令太史占賢人聚。

不佞秉曲。昨所布聞于足下者。大半已悉。第多一日
則多一日之費。途中滋味。旅邸風光。不問而知其岑
寂也。文選云。早一日早受一日之惠。是此意。

于王養恬踐盟

許以忠

別後日望足下至而不至。不勝搔首。弟擬七夕抵三
山。與足下設瓜李。具壺漿。同乞天巧。偶有村盆弄化
之喜。當備湯餅待客。不能遠遊。若相避者。然弟端陽
後。丁內艱。良苦抑鬱。棘闌儘寬。不得一展足。下念
故人。得毋為弟扼腕乎。舊約幸足下勿寒盟。救鄉山
川吐色以待也。

托許君信吹噓

管一鯨

足下故是仙標。茲復日與名公遊。所獲寧有量哉。倘

以治身其
緒餘以為
國其土直
以治天下

鯨海中大
魚○螻蛄
其名○行
潦無源之
水

莊子秋水
篇曰涸井
中有謂東
海者曰吾

樂至其五
跳梁乎井
幹之上入
休乎缺甃
之岩

伯樂相馬
下和識玉
○趙王有
璧秦王欲
以十五城
價易之

齊王好芋
有求仕者

稍了出緒餘便足潤枯腹覺迷漢造無垠因碌者僕
未敢以是為足下望

答管生求薦

許以忠

大海長鯨鼓喙則韻嚮驚天揚鬣則浪花蔽日何渡
叩聲螻蛄借潤行潦耶直令許叔子愧而走矣一嘆
干朱老師轉荐

潘元和

昨承款洽不任感激開津跳梁道路為梗非仗公府
餘皇多所留滯倘師臺肯求之名道諸公諒無有不

應者仰賴鼎力微惠無既矣別日已久獅山在望不
勝勃了之思伏惟師臺垂察幸甚幸甚

托傅長虞吹薦

孫楚

騏驥不遺能於伯樂良寶不藏耀於卞和是以輝光
夜射價連秦趙飛駟絕影終朝千里物尚有之士
宜然足下幸為我注心也

與程扶輿請謁見

汪道昆

間者尺牘投足下不得一報然諾母乃淵潛龍隱尚

千托景

書集 鮑春

三

千托景

操瑟而往
瑟雖工如
王之不好
何○汪信
民常言人
常咬得菜
根則事可
做胡康疾
聞之擊節
嘆賞

漢高時用
橫不仕德
居海島間
相遠使每
至必問起
居

王孫賈母
曰汝朝出
而不返則
吾倚門而
望汝暮出
而不返則
吾倚閭而
望○李密
上陳情表
乞歸以終
養祖母劉
氏

間隔未通故耶。迺足下近日起居觀恙。昨得一藥石

急借家伯氏牛馬獻之。竟奪於門者。雖操瑟齊門。二

日胡卒無能。一接顏色。開口一吐胸中之奇物也。足

下何日政暇。願携家弟操舟上遊。擊節交談。萬籟嚮

應。使都人士藉口中。原千古奇觀。我一笑。

干張明吾面見

長公高在雲霄之上。日月之旁。不佞截身海島。何由

望見顏色哉。即時承注問而奉起居。終不如博一見

之為快也。

托貝川先生乞歸

母喪在殯。未遑安厝。家君以耄齡年。倚門望思。皆不

暇。憲。真。一。瞻。山。陵。墮。淚。九。土。進。不。能。盡。忠。於。國。退。不

能。盡。孝。於。親。不。忠。不。孝。孤。平。生。學。問。之。心。抱。萬。古。不

窮。之。痛。實。為。有。道。之。羞。是。以。數。鳴。哀。感。真。皇。天。后。土

之。鑒。臨。得。還。京。師。復。見。天。顏。少。陳。情。悃。或。遂。南。歸。父

子。相。見。即。走。也。更。生。之。日。

古今所文

書集 勉卷

三三

干托董

相如過昇
仙橋題其
柱曰不乘
駟馬高車
不復過此
橋後果然

馮驩彈鈇
而歌曰長
鈇歸來乎
食無魚

臨卽四川
邑名其邑
如文學

記云兄弟
之齒雁行
謂孟行而
稍後○謝
安隱居遊
東山

史記蕭何
贊云依日
月之末光
○賤工謂

干蜀守臣迎接

司馬相如

黃帝方嚮外治。而其以儒術建節。西遊故鄉。遠近之
士。將無求多為。其令守吏以下。負勞前道。旌旄所指。
俾山靈增色。母為題橋。生索笑於閩吏也。

干謁黃先生

馮琦

公實鵲起海嶠。與瑯琊濟南。結七子。甚著公益才情。
通之。與僕善。媿無以助其彈鈇。昔司馬長卿遊臨卽。
令雅相敬重。後二人並稱千古。僕以石城為臨卽也。

留念上頌

石城邑名昔有石為人作書

托李帶泉代訊

鄧宗齡

季方負蹕才。抗志高冥。不佞竊鴈行。而兄事之。燕市
酒壚。時相慰藉。儼然生干氣味也。尊甫綠陰高枕。玩
弄烟霞。久係東山之望。幸叱孺子名。代致區區。

干漢元帝庇父弟

王嬭

臣妾謂身依日月。必有餘芳。而失意丹青。遠竄異域。
誠得捐軀報主。何敢自憐。獨惜國家黜陟。移於賤工。

士毛心壽登

振翻鳳凰
於千仞兮
覺德輝而
下之見則
濼之隱微
兮遙縉緜
而去之
鵬面南風
以振翻

南望漢關。徒增愴結耳。有父有弟。幸陛下少憐之。

求推揚
黃起鰲

翁好士之名滿天下。而天下之士。喁喁嚮風。而思附者。無他。鳳凰振翻於雲霄之上。則樊籠之斥鷃。羈縶之鶴。鶴為珠翼。而張翅者。情也。傳曰。聖賢之遇。知已。其振滯也。如圜轉。惟明公留意焉。僕將勵志。而南以矣。
樊籠斥鷃。羈縶鶴。俱見莊子。

干傅明府薦弟
王穉登

孔子既見
盜跖。遂出
門曰。哉不
免虎口哉。
○侯霸守
臨淮。被召
百姓。板轅
取轍。保函
暮年

孫生幸脫虎口。我諸舅父。含笑九原。敢不結草為報。客島中。成一詩。以代攀轅。遣力先投。家弟。乍辭漁獵。恐不堪贊。使君畫諾。則望假其羽毛。而煩所為。游揚者。特為家弟。作曹丘耳。

干陳公衡大令
王穉登

馮驩彈鋏
曰。食無魚
兮。出無車
○劉伶作
酒德頌。五
斗可以解

子念才情似舅。蕭然遠遊。今客觀察公家。縱不嘆無魚。熱須令君佐以五斗。鴈宕之雲。龍湫之瀑。能飽人目。不能飽人腹。足下無然。以二物贈人。

二
斤
大
書
集
卷
三四
干托景

醒

杜詩烟籠
寒水月龍
沙夜泊秦
淮近酒家
○詩云中
心歲之何
日忘之○
既籍能作
青白眼以
高下世人

誠齋菴有
三徑一

徑花開一
徑竹○洛
下祖堂八
歲誦詩書
與袁翻齊
名○小宛
之詩言脩
身教子莊
以天下為
籠

顧愷之與
簡文同年
而髮早白
○戴德戴

干李時勉

王雲

秦淮月夜散髮披襟語刺不能休足下之情渥矣
僕能無藏之中心乎足下丰韻超逸且蓄聚琳瑯大
雅丈夫必青眼遇之前所面者想克諧久矣柰山川
綿遠不能得一音為慰殊自歎耳僕別歸為小兒
婚禮匆統粗就緒携劍金陵多在來歲仲春也
托胡明府薦友
畢仕衛
足下開三三之徑惟素是行郎君向學尋途翻洛

下才体味小宛者莫似足下矣四方為籠所交遊盡
魁然士而翮彪如翟之後未入搜羅豈其帽之忘易
乎其未嘗脩刺而容成不逮者乎還宜甄拔之克府
上一副克先生為足下樹人計無如此得力非獨為
翟無魚討容成候副克先生一年之計莫如樹谷
終身之計莫如樹人
干張黃門遇劉君
王穉登
一別三載飛鴻冥北望維揚徒增跨鶴之興其如
腰纏索莫何門下凌霜之質當鬱然逾茂郎君更復

干托

書集 卷

五

干托

聖以博士
各刪札記
號大小戴
○漢成帝
好微行自
稱張公子
○杜牧寄
韓判官詩
玉入何處
教吹簫

國語幸先
生儼然而
辱臨之實
實人之慶
也。國之
福也。

霍去病軍
有天幸○
遼東華表
有雀集曰
有鳥鳥之
丁令威云
云○賢者
不可測見
毛義奉檄
○二天清
河守與蘇
章叙惟之

驍騰禮徑之業。齊驅二戴。里門高大。不知我何能容
定國。未車乎無也。二十四橋。明月。舉裳而就之者如
雲。故救親劉君。亦以崩維往。劉君負奇畫。挾筴以干
諸侯。黑裘。我蒙葦矣。茲遊得遇張公子。不憂食無魚
哉。不者。而但聽何處。玉人吹簫聲。奚益。家人菜色耶。
干王百谷
莫雲卿

聞尊駕臨辱救郡。然不一遇。莫生此中人。眼淺便謂
雲卿不足致王先生也。先生竟不能一顧。而重雲卿
乎。騏驥伏櫪。無有識者。伯樂一顧之價。遂增十倍。

干鄭周卿鼎言

王穉登

長君行後。而僕乃苦病。九旬不起。賴有天幸。然後
起。頗當化鶴令威耳。承謨期遂。及瓜不能與俱。西念
之邑。聞大司成法如霜。六館諸生。不寒而栗。往交
其人。故長者不虞。難犯。若此。賢者誠不可測。我有門
下。在承謨為天者二矣。然恐放豚入荳。夢寐走壙。更
維繫之。益不堪。一張一弛。是在有道君子。

干王百谷
莫雲卿
干王百谷
莫雲卿
干王百谷
莫雲卿
干王百谷
莫雲卿

言

世說盛德君子云何能瘡來病君子所以為瘡○詩盤中何所
有首蕭長闌干○王謝烏衣巷

塵埃中若歲太平天

子學相則入皆物色之矣出細鑑

王泰曰阮胸中硯燭故須以酒澆之○蔡聲請為琴號焦尾○張敞柱後惠文○劉誠詩何意

于王玄達延西賓

王穉登

秋○爽○正○可○出○遊○乃○為○瘡○鬼○銅○之○一○室○忽○而○炮○烙○忽○而○負○冰○不○五○日○肌○肉○如○腊○矣○杜○君○多○材○藝○書○法○畫○品○並○清○俊○又○篤○于○公○車○業○韜○精○理○照○世○莫○之○知○乞○足○下○薦○之○季○公○可○當○一○首○蕭○先○生○非○徒○飽○杜○君○誠○欲○以○徑○術○克○君○家○烏○衣○子○弟○腹○耳○

托馮宗賢轉薦相士

湯賓尹

前顧未獲謝罪茲方君以風鑑交尹侯甚善言人生事若燭照數計托弟先容弟不能辭也足下勿傲然視之

干陳侍御恤馬姬

王穉登

不肖老謬妄庸擯斥於時日飲醇醪弄婦人消其魄礪耳與馬姬遊十又五年甚憐此姬俊也今來見其厄在爨下不勝慘怛欲假公柱後惠文脫之藉顧先生以請竊聞顧公子義甚高不謂繞指柔也將重頭上進賢乎姬今就遠矣公復不借緩頰不肖持筑渡

子學相則

書集 魏卷

三七

于托囊

百鍊鋼化
作繞指柔
○荆軻入
秦燕太子
及賓客皆
白衣冠送
之

史記夜光
之璧以暗
投人於道
路云

張湛率漁
陽參兩岐
為秀○宋
郊齋居忽
水漂螺數
十萬編竹
橋渡之浚
中伏元

史記雲從
龍風從虎
○漂母進
食于韓信

秦淮○白衣冠而送之○舉刀刎頸○向公子何能更對諸
公然諾稱長者哉○老逢桓不燃如死灰○無能庇一巾○
憫頓不如奸人游士○大冠褒衣○東向讓齊○西向詛楚○
令諸侯辟易○赴下風也○
諸葛亮遺司馬懿中惘

東湛元明

王守仁

僕窶人也○雖獲夜光之璧○人將不信○必且謂其為妄
為偽○今璧入於倚頓之室○自此至寶○得以照明於天
下○僅免於遺璧之罪矣○

干蕭殷墟相濟

郭元愷

行邪百畝○皆為馮夷君所苦○黍稷種穆○僅當漁陽數
坂麥○閱廩中恰三月糧○催科者一日兩至○遭此不辰○
盖皇○水中蟻也○陰德如足下○寧不編以竹橋乎○敬
此先容○幸推粒我○

干荆石王師相渥澤

王俸

昨晉謁歸來○肌骨似健○心神欲飛○自今血肉不能附
雲從龍○然飢渴瞻依○不甘為庸奴色相○若肯垂憐王

千古新文

書集 鮑卷

八

干托景

會軒韓望

柳州有冠
入城○王
符賦云嘆
麟鳳以為
祥蒸芝蘭
以為瑞

晉公子重
耳對楚子
曰其波及
晉國者君
之余也○

西方佛上
為極樂世

宋之問詩
松栢摧為
薪桑田變
成海○以
木鐸為慈
航

太史公自
稱牛馬走
報任安書
○唐李泌

○灑我一勺出我苦海是普濟中澤又渥矣

報蕭俛干澤

柳宗元

倘因賊卒慶賞之餘得以見白使受天澤餘潤雖朽
枿敗腐不能生植猶足蒸出芝蘭以為瑞物

干朱脩吾普濟

身人能

僕苦造化下鄉撫恤稿苗會頒盛典未遑敦謝昔天
慈逆度苦海今信餘波所及僕亦上慈航矣邑民水
旱若不終朝又當廣無邊法登衆生於極樂世界也

慎毋以天道缺陷不全圓滿為詞

干陳老師惠俸

王焯

大浸稽天桑田變海八口嗷嗷啼餓為崇傷我貧也
前荷筆金之惠足克數日糗今復分俸以益之老師
其以鐸為航者乎念救帚何以堪此

干趙陸洋益價

金有利

多事蝟集日竣牛馬走中故不克裁一緘為訊罪
之罪者也○珣山之議不裁於少室山人乎然此山安

千石所

書集 魏卷

三

千托景

詩少室自
高價○唐
貞觀時歲
稔民間斗
米三錢

莊讓王篇
道之真以
治身其猶
餘以為國

古賦心結
血淚成珠

其口於四
方

蘇州府有
洞庭山○
范蠡自生
產致萬金
號為陶朱
倚頰

鍾繇王羲
之皆晉時
善書者○
松烟炭墨

可比連城止可當青州豐年米價耳○幸足下再確之○
毋謂鄙人輩戲癖也○

干許君信教澤

管一鯨

足下故是仙標○茲復日與諸名公遊○所獲寧有量哉○
倘稍一出緒餘○便足潤枯腹○覺迷漢造無垠姻緣者○
僕未敢以是為足下望○

干劉荆卿周乏

許以忠

別後幸無恙○惟故人之思○鬱結心血耳○劉郎自是○
有情人○獨不悲○許君信○餬口四方乎○

干王百谷勸綠

袁宏道

湘中富室不能敵吳之窈人○僧云東洞庭有陶朱倚
頰為且與百穀為戚○願得百穀布施蠟花箋一幅○未
識可否○山房數額○望老手一揮○便付去納○

托友買筆

孫虞佐

某未闖鍾王門○兼乏毛錐子○楮先生每嘲松烟石卿
二侯曰○近余東高閣○何如子兩人久困塵埃○不一蒙

干古所

書集

四

干龍

也石脚戾
視也○塵
埃中若識
太平天子
則人皆物
色之

馬援謂子
陽井底蛙
○司馬相
如遊覽天
下名山川
○尹每与

木偶謂杓
入出莊子
○蕪葭倚
玉樹○稽
康懶作書
○詩彼美
人兮西方
之人○李
布一言重
于九鼎○

物色問誰脫穎以為自薦耶。其耳入下。故附來朱提。君若干敢賣。惟拔其舌鋒精銳。異日者倘一掃千軍。皆門下生色我文房也。幸勿腕重千鈞而弁髦之呵。呵。綱目斷云三晉諸侯弁髦其君瓜分其國。

托人賣物

某株拙數椽。何異漢中子陽。緬惟兄觀光兩浙胸中。吐納端無遜司馬先生矣。辱將去好業。幸解懷。然於某復締尹班。不令人尤深荷。怙哉。通聞稅駕在即。敢

以其件一方附在送末。直抵某處。非藉鮑雅。未敢重

賣

管仲曰。生我者父母。知我者鮑子。故人有相知。曰鮑雅。

托友取帳

孫虞佐

某謫杓人。不謂於某已拜玉倚之榮。尤荷玉成之德。高厚頌戴。當垂山海矣。迺來未遑札候。罪過稽生。然西方有懷時勤五內。緬惟諸帳。遽爾清澈。皆季布。鼎言力也。某雖非曲逆侯。柰何敢忘自哉。外某兩數。倘已取償。祇祈擲下。茲因鴻便。謹脩片楮。聊奉興居。

新文 卷 四一 托

陳平封曲
逆侯不忘
魏無知之
存

語云座上
無生客
設宴延客
曰賓席
官府治具
曰兵厨

詩云碩鼠
碩鼠無食
我苗又遠
彼樂郊

書以殷仲
成以韓信
曰漢王解
衣以成推
食以成

鍾童即鐘
軍弱冠棄
編出閑
賈誼上文
帝治安策
極陳時事
○徐積孝
母天為而

唯電賜志。曷任神往。

托市海味

余應乳

日欲延生客。議索海味數種。敢于送者一勞。即不敢云窮盡水陸。倘得二三奇珍。以為賓席光。皆門下兵厨佐我也。辱在知厚。故敢冒竇。唯留心毋任多荷。

干友求苗

孫覲揚

大陽君化為碩鼠。將我苗食。恚我將為樂郊之遠。則故土重遷。將俟西成之望。則彼糠不登。敢慮微子足

下錫我餘苗。分太倉之一粒。以布十方之福田。是即

推食。我我也。含哺鼓腹。下敢忘自哉。母曰。夫也。忘農不敏。雖啼飢而何恤。是用為荷。

干張如雲助友莖

陸如海

鄙人猥瑣。無似。僅。先足下一飯耳。足下乃視為父之執。不折節太甚乎。雖然。鐘童山東之英妙。賈生洛陽之才子。而鄙人得交臂為幸矣。幸矣。陳叔子北堂之愛。天不兩錢。殊不可為悅。然此子可憫。鄙人試為

干友求苗

書集 袍卷

四上

干能

兩錢○范仲淹子名純仁以麥舟助故人喪

波臣托夢于惠王請以斗水活我若侯西

江則索我于枯魚之肆

子產名橋鄭惠人也

伯樂一顧馬價增倍○蘇章故人幸庇二天

搖尾乃乞憐之狀○李廣射石矢入石中○張係入秦問舌存否○禽息以茲存百呈矣

渠一掉舌足下抱仁愛心不當助以麥舟乎若然則

干求通用

孫虞佐

倏為波臣所困涸若魚之鮒敢搖尾于門下之前幸

賜斗水之活起之泥中幸甚荷甚如曰侯西江之决

則枯魚之肆即欲暴腮無由矣

請托通用

余應玘

僕猥庸不足教屢垂愛及惠過國僑茲以某事敢煩

昂言王裁于成則一顧之榮者更幸二天之庇矣唯

知已者面神苦晚再禱

東吳會元

朱之蕃

生未嘗輕借人舌不妄搖尾士大夫昨告門下以門

下片言如李將軍射南山石飲金沒羽不難豈意賴

河潤匪淺卒不得沐吳水餘波曰如之何如之何門

下舌尚在勿惜為禽生哉

求借彙

東袁太冲求丹砂

陳文燭

丹砂勾漏
乃仙家藥
道書自
寅至申為
七返○盧
莫合九轉
大還丹

足下丹砂將成七返九轉矣○青精○飭碧○海菜○瑶池○漿
任○意○食○吸○可○令○分○惠○弟○子○耶○不○然○朝○之○霞○夕○之○露○不
任○取○而○食○吸○之○忘○亡○禁○矣○

東袁子隆求教

宗臣

韓信答蒯
通曰高帝
解衣衣我
推食食我
○莊子逍
遙篇言鷓

負○瘵○江○干○故○人○辱○再○訊○之○別○時○特○賜○珍○品○兼○以○華○絹
情○鈞○推○食○義○切○解○衣○感○結○在○心○罔○有○捐○替○足○下○種○績
典○術○淵○停○霞○爛○耀○華○炳○采○即○可○長○奮○扶○搖○竊○快○平○生

騰水擊三
千里搏扶
搖而上者
九萬里

以效鼓舞侯一抵薊塵埃盈抱青山舊業徒切夢想
故人何以教之

與吳霽寰索詩文

湯顯祖

貨殖傳云
木千章○
唐詩渭北
春天樹江
東日暮雲
○韓昌黎
柳子厚有
送行文○
杜子美李
太白有留

夜過青陽江潮已落孤燈獨坐離思眇然舟中惜乏
卷耳不然明燈染繪當圖萬里江流千章雲樹於方
寸之縑矣計明日抵家辭楓潭即至毘陵治一巨卷
待兄於舟渚之間不知送行文留別詩能滿此否幸
早圖毋使臨期索逋成逼迫也

別詩

詩不敢高
報語恐驚
天上人又
語不驚人
亦不休

宋玉對王
問言下里
巴人歌和
者數千人
陽春白雪
曲高和寡

與孫二夫求新作

丘陵

秋色滿林遙山挺翠足下日屋高吟弄篇章知新

什已滿縹緗矣更無以驚人語數示我乎

與潘子欽求回文

凌湛初

諭數首下里巴吟也敢獻於太史公者異以塵露之

微補益山海耳若報我白雪陽春是因周朴而得鄭

璞矣鄭人謂玉未理者璞周人謂鼠未腊者朴

病中求文

俞獻可

昔秦少游作文逐瘡鄭廣文誦詩愈疾已有成效不

佞於詩文又不啻一瘡崇丈知我者肯一揮毫否伏

枕無聊試此烏號

寄劉憲副正言干詩

魯省吾

使生復命槩然奉謝甚歎春明間與諸大夫宴談思

夫為甚耳茲遣力代候言之不多寸心勞結抑情見

乎詩矣不惜暗投報我明月

達王養純索聯句

甯仕衛

鄭陽書云
明月之珠
以暗投人
莫不按劍
相賜者無
因至前也

德璋頭風
微之類
管仲言知
我者匏子

陳平門外
多長者車
○王衍談
○王持玉柄
塵尾

畢卓嘗惠
帝時為吏
却即素性
愛酒時醉
舍釀酒初
熟畢公乃
盜飲之醉
忘歸路

蘇轍號東坡
以文章
著名于宋
謂其氣
味相似故
曰千百什
一

孫大娘因
舞劍悟筆
法○蘭亭
記王羲之
字

杭州小西
湖六橋楊

蔭茅背郭。不堪辱長者車乎。此中視右軍之帖奉塵尾之談。儘窈窕已乞一聯。以為榮觀。玳瑁玳瑁。

答詹東圖求詩畫

祝世祿

郡尊人委令乞詩乞畫。多能之累。人類如此。且叮嚀。今日幸促吏部無令醉。麈尾拋向無事甲裏。去天欲。兩不兩。不出旦晚間。足下蚤治具。作七十二株松。下主人。韋表微。被監察御史不樂。曰吾將為松竹。與蔣曉山求畫。茅下坤。

聞君善畫于山水花鳥竹石。無不得其解。然不貌山川花鳥竹石。以貽僕。而獨貌東坡者。君豈以僕臭味。夢寐間。或近其千百之什一者乎。

與周公瑕索字法

許獬

劍下玄機。公解悟得真矣。茲奉筭請教。幸兩我蘭亭真本。則捧掌上畫。心頭愛溢。雙南也。雙南美金也。

與馮具區索繪圖

屠隆

足下坐占西湖。領畧風月。淥水奏曲。桃花佐觴。此造。

年方所文

蕭集袍卷

四六

求借景

柳西岸桃
花人多遊
賞其間盡
為繪圖

物者私足下。不佞神往名區。形留垢溷。撫然自穢矣。可不繪一圖惠我。使開心目乎。

答邵惟五求畫

孫汝霖

祝融孟夏
月司火之
神○黃帝
聞廣成子
在空同之
上往見問
治身長久
之道○歛
黃山三十
六峯之寂

祝融為虐。走方謝中書君。解衣盤礴。羸何于也。適廣成子邀入天都。飲我玉泉。哺我瓊蕊。示我玄同。高歌長嘯。蓋由然與造物者遊矣。即樵叟漁父何足伍哉。乃是下持清風。厲走圖之。是未免復役中書君也。走無以承雅命。謾寫素娥。納之文幕。異日招足下。

步廣寒。掇天香。誠大快也。足下將何以報我哉。

求手談

陳維敬

敗走曰北
○武帝空
幕南無王
府○諸葛
亮以巾幗
遺司馬懿

昨與足下臨楸局。三戰三北。僕失志。足下寧不為驕兵乎。茲欲志復前讐。少洩平城之憤。吾想義旗一舉。慕南無王庭矣。倘如堅壁。即以巾幗遺之。

覓高希章飲雨花臺

劉大受

謝玄暉曲
江南佳麗
地金陵帝
王州○六

雨花臺故秣陵佳麗地上。臨蒼莽。下眺長江。一瞬金城宛如圖畫。山川花鳥在。色飛丈能大開醅。醉。

朝東吳宋
齊梁陳晉

弟使弟酣卧六朝煙草間乎

齋頭覓飲

王穉登

淳于覓說
齊王言主

觀察公須何似學圃五丹之間
秋樹如沐翠色滿衣
裾矣一部清商樂已教成吹明月上花枝
願不令于

客一石方
醉言樂不

鬢盡一石我樂甚樂甚寒齋梧桐徑
雨濯僕挾一

可極也
琵琶詞乃

編箕踞樹下倦則擲去聽秋鶯殘
弄澁如老妓歌桃

玉嬌出塞
所制愴惻

葉半鳴半咽則大愉悅以為不減
江州司馬琵琶絃

動人所制愴惻

上聲公聞之當大噉謂王生不知漢大耳

寄黃中翰

許以忠

三春花鳥媚人自是黃金世界足下與二三大夫游

弄詩酒恣情快意僕自鍾山頂上望見綵雲飛處知

是歌舞初散也不知天際真人肯遙分殘炙於鄉隅

之許子乎

與曹述亭索宴

甯仕衛

陳州春滿芳草茸黃鸝恰却是他帶將愁來足

下善為排遣時與成章生低酌高歌如蘂山見月快

辛幼安詞
是他春帶
愁來藥
山禪師見

三仲季謂
三春又云
九十春光
鄉隅解
言滿堂飲
酒一人向
隅則一堂
為之不樂

新

集

四

宋借

月而嘯。陳思王曹子建也。劉毅謂庾悅豈能以殘炙見惠。

有人忽食羊肉夢五臟神曰羊踏破菜園。崔浩曰掌鼎一雷識鼎中之味。

陶潛為彭澤令潘安為河陽令。父曰椿。母曰萱。故鄉曰桑梓。阮籍窮途哭。盧仝茶歌云五碗清肌骨。伯夷傳閭巷。

可知已撒着不佞小齋孤另。惟日唱望江南也。陳思王念揚德祖。而以殘炙餘瀝見惠乎。生而今上馬下樓。亦若失記。

與友人索飲

許以忠

五臟神久不掌主人鼎味。令許生彈鋏而歌無魚。許生不耐兩頰慚。拒以不可。神遂鳴鼓橫戈。交戰吾腹中。聽之似作雷吼聲。真怕人也。主人能出牛酒片肉。壓息其忿爭乎。許生則令五臟神徧啣渥惠矣。

索路費

孫虞佐

昔聞彭澤門前柳。今見河陽縣裏花。况分金捐俸以為走旅。次需臺下之惠。我渥矣。日來椿萱繫念。桑梓馳神。宜不脛而飛。但床頭金盡。捉担人大岑寂矣。幸再沐餘波。免效阮哭。足仍雲天高誼。

與王荆石求茶

王倅

昨奉謁歸來。肌骨似健。心神欲飛。自外血肉不能附雲。送龍熱飢渴瞻依。不甘為庸奴色相。若肯垂憐三

之人欲砥
行立名非
附青雲之
士惡能施
後世哉

海菴詩恰
似句粧指

○郭林宗
待友冒雨
剪韭

善蕾花之
藥未開也

○清芬香
味○周茂

蓮花之之

君子○蕭
艾草之至

賤者

萬花春谷
如石崇金

谷園類○
魏家紫姚

宗黃牡丹
國色之稱

詩云月中
丹桂散天

生灑我一句出我苦海是普濟中澤又涯矣

與楊繼山求韭

吳從先

菜鍾乳者論于野蔬中不亞粧指藜藿之腸曷可少

此請分數十本與僕手自栽之異日者一食十八種

荷君榮施矣且冒雨夜剪好作炊以款君也如何

干吳秀卿花種

王士騏

出花其善蕾想大放僕欲釀以清芬特求一本倘肯

分惠之僕以君子重其人必將以君子愛其花必不

今不加培植化而之蕭艾也次公畫品大佳僕懸之

壁間遂增一奇更借秀卿之舌代說殷

求名花

余應虬

昔人有云兩手摘殘上苑景一肩挑盡洛陽春語好

花也貴園種不減萬花春谷敢干幾株分惠栽培

生意異日呈魏紫吐姚黃出綠尊共醉花底何如

覓桂花

陳繼儒

秋色方深風聲迥異天香隱自月中飄來可仰不

古今

書集 觀卷

五

宋借量

香○蟾宮
即月宮也
○仙娥即
姮娥也○
詩試問姮
娥有意無

諸大夫衆
松也○淵
明愛菊徵
召不起故
曰徵君後
漢原乘黃
憲上號徵
君○語云

蓋者三方

西域徑用
貝葉書之
○劉琨為
胡騎所圍
乘月登樓
清嘯胡婁
然而退
太公釣于
磻溪後佐
武伐商○
子陵隱富

可攀令人馳想特甚乃徘徊三嗅始知密近蟾宮一
舉手無難也第以仙娥無由得面桂枝雖折安能為
我親授哉故就足下索之不識何以慰我

與孫介夫索菊

徐渭

足下隱湖上諸大夫不得友也願獨折節交陶徵君
懽徵君子然語大夫曰吾不意湖陽菰蘆中乃有
有孫生知我耶鄙人日送大夫遊坐對南山輒念徵
君佳興足下何不携之而來使鄙人得成三益哉願

開徑以俟

蔣詡竹下開三徑惟故人求仲羊仲送
之遊

與李惟寅覓竹

劉大受

昨遇君侯貝葉空見脩竹成林琅然玉立夜來清蔭
便鬱吾夢魂倘不斬數本分我玉笋空前則清風徐
來嚼然如數郡鼓吹彷彿聽君侯清嘯也

求竹竿

文徵明

柳下春水瀾漫是可置竿而漁也磻溪暮年常操勝
心獨子陵於百尺竿頭進一步耳僕隱於漁君其贈

春山光武
親聘不出

之○湘○筠○伴○垂○釣○以○老○

答許以忠求荔枝

張質享

白樂天二
妾詩櫻桃
樊素口楊
柳小蠻腰
○古人贈
行多用柳

芸○窓○無○可○玩○弄○小○蠻○耳○日○中○搖○情○風○中○舞○態○真○足○
以○助○文○思○敢○分○一○二○植○侍○尊○庭○來○春○北○上○河○畔○贈○行○
母○各○與○同○志○者○共○之○

求荔枝

王穉登

唐詩云一
騎紅塵妃
子笑又詩
飯後欲題

大○夏○虫○我○我○一○騎○紅○塵○何○足○驕○敢○就○公○案○頭○啖○三○百○

三百顆俱
味荔枝

穎○用○决○楚○漢○雌○雄○

代友市橘

王穉登

陸續少時
懷橘奉母
人稱為怪
橘郎○東
方朔社日
拔刀割肉
自表曰歸
遺細君

不○佞○之○友○洞○庭○君○懷○橘○郎○也○木○奴○三○百○樹○未○足○當○封○
侯○遺○母○得○無○太○侈○乎○以○其○餘○裝○之○江○上○易○青○錢○足○下○
請○為○售○之○如○歸○遺○細○君○者○取○諸○陸○郎○之○餉○齒○頰○洞○庭○
春○矣○
洞庭山名今蘇州府其野多橘人號曰洞庭春

求金魚

孫虞佐

足○下○濠○梁○高○趣○盆○中○化○機○不○啻○江○湖○相○忘○詢○知○魚○之○

魚相忘於
江湖○莊

子之非魚
安知魚之
樂○臨淵
羨魚不如
退而結網

何無忌酷
似其舅○
王荆公云
有即起書
樓無即置
書置○薛
逢言老嫗
塗抹胭脂

日格于節
禮部所著
○滕王閣
序王將軍
之武庫

人心太虛
名曰丹府
靈臺○成
王病周公
旦自攝其
爪以流于
河乃書而
藏之記室

樂矣不佞株拙園林雖未悟躍淵深處而活潑地
頗○鮑一二耳幸錫數首毋令臨淵竊羨呵

與甥蘇唯伯索書

甯仕衛

揚蘊乃馬遷之甥故筆力俊逸高華子之酷似乎抑
遇之與余遇無不能置置子家緗袂芸編克物書樓
才智可知已禮疏義希寄一部晚年心記亦是阿婆
効塗抹耳甥母為不孝而吝之

借書還友

許儼

日格倚撫群芳蒐羅百氏真藝苑之武庫伏蒙惠借
君遇中郎惜不佞懶病易忘不免有柳州掩卷之恨
敬完記室附此申謝
蔡中郎秘書不肯借人看

東程龍崖借筆

劉集虛

龍崖久未入吾目中迺靈臺上日坐一龍崖也湧
劉生亦常遊公腹內不小卷一冊帶庄繕謄無端管
城子好情剛走紙上一日即以病告不堪再役篋中
苦乏雙管只得轉借于記室乞命精銳者克我之役

○紙曰楮先生

謹坐楮先生于几上以俟

與友借墨

徐渭

益州乃出紙之地○

擬與友生賦秋。造楮先生自益州至。管城子自山中

雷陳定交密如膠漆

至。黑松使者多方覓之。不得。誠大欠事。敢干文臺。遣

○漢圖畫功臣于凌

之。供役數日。庶幾。我膠漆之。投凌烟之藻。或從此出。

與友借紙

陳繼儒

詩人情似紙張之薄

久與楮先生間濶。石卿侯與毛穎子為無用矣。敢以

○江文淹夢華生花

上干之文房。君不效人情之薄。惠以百張。我或運如。

色日大進

花之筆。煥成五色之文。敢不知德。

與友借硯

丘兆麟

硯曰耐久朋○晉鍾

寒窓兀坐。久缺耐久朋。敢干記室。錫我玄玉。縱筆非

善書○漢賈誼司馬

鍾。王文非賈馬。而磨鈍玉成。或者。志不至。敗玄禿穎。

廷長手文

皆門下賜也。荷。

借書帷

汪道昆

却起臥。溫帳中風

君家文幕。制度精巧。足追董子之帷矣。鄙人求為大

吹帳開謝。安咲曰知

幕之賓。敢告之司器者。假我數日。俾得坐春風中。一

生入幕之
賓矣

箇月

謝顯道從程子游曰坐春風中一個月矣

答王道士遣借雲鶴圖

游點齋

濠梁人崔
白工畫雞
以敗荷鳥
鴈得名燕
尤精花竹
翎毛

見山房石壁點雲圖鶴不過多為意態。巧為翎毛而
已。客舍飯後熟玩此圖。有道人獨御松。風直入雲間。
之意神筆也。方真厥心。未即歸納。

與友借劍

余應虬

挑葉舟也
肩輿轎也
青萍劍也
海山螺酒

門下何日入吳門。或假挑葉以渡乎。或杖肩輿以往
乎。同其君。雙壁並臨。敢借匣裡青萍。向西山冉。壯

檢書燒燭
短看劍引
杯長

行色住輒謀海山螺。踟躕竹筐上。即此當聞風仙苑。
何嘗吝酒。不令我引杯長耶。

借琴

許以忠

秦王請趙
王奏瑟相
如請王擊
在秦王不
憚為擊在
○范文淹
性好琴

某南鄙野人也。才僅能擊在。而志酷好琴。世以范文
正擬之。聞足下有輕鬆脆滑之材。即冰清綠綺。茂以
加也。僕雖不敢自謂知音。而箇中之趣。亦頗識之矣。
故就足下假焉。
綠綺相如琴名

借木榻

俞啟相

莊子夢蝴蝶
蝶詭然
不知周之
為蝶之
為周也

謝安遊東
山忽謝玄
捷報入門
不覺履齒
之拆

湖光接天
其白如練

○款乃舟
人行之聲
○綠林葦
覆舟風也

唐明皇設
梨園子弟
○詩宝炬
千葩寒霽
色星毳萬
點簇春紅

咏雪詩撒
鹽空中現

夜眠無榻。睡魂弗安。干之門下。惠我數時。俾長宵展。
足詡。然友蒙莊而夢蝴蝶。足下賜也。僕且寤寐弗。
諼。詩云寤寐反側永矢弗諼。

借木履

吳從先

兩中兀坐。跬步難移。敢借木履。為半日之用。雖非賭。
墅之遊。敢折東山之齒。

借舟謝東

黃道月

藉將軍寶楫而東矣。浦中明月。輕舟如馬。秋湖又如。

練也。歌款乃而浮之。邀足下寵靈。綠林葦不敢睥睨。
其惠我渥矣。謹為謝。

做戲借燈

許君信

某日演梨園。佐酒。縱笙歌院落。可奉客歡。須燈火樓。
臺以耀衆目。敢干寶炬。惠我一宵。庶華焰與輝。台下。
明光且澈。夜矣。

途次借衣

徐中行

撒鹽載道。冷氣侵人。懸鵝宴體。仰徽寵靈。倘故人垂。

○子夏百
結鴉衣

憇之情則寒士歎顏挾纊當同化日矣

化國之日
舒以長

求非

鄧志謨

晦菴詩恰
似句粧指

某鍾乳者論于野蔬中不亞粧指蔡菟之腸曷可少

幸然尚帶
紅○郭林

此請分數十本與僕手自我之異日者一食十八種

宗待友人
庭冒雨剪

荷君榮施矣且冒雨夜剪好作炊以款君也何如

匪作炊

與友借茶

孫虞佐

司馬相如
病渴○詩

葉含碧玉盤捧金芽病渴相如干故人借此佳物柴

魂入必詩

門亡俗人手自煎之見白花浮光入口沁詩脾矣昔

瘴○李白
騎長鯨提

丹丘子服之羽生廣寒宮不知何處僕亦欲騎長鯨

明月○盧
全性好茶

直上九萬携姮娥俱歸茶量頗寬何止七碗僕也非

每食必七
碗

驕兄公勿吝

與友借酒

黃起鰲

詩借問酒
家何處有

家釀未熟遠客臨門遙問牧童杏花村遠干之內厨

牧童遙指
杏花村○

惠我一斗借公瑾之醇醪以佐客歡俾客盡醉公之

內厨內府
司厨

惠渥矣

魯肅曰與周公瑾交如飲醇醪不覺自醉

借儲延客

祝允明

莊子庖人
雞不治庖
尸祝不越
樽俎而代
○西京記
有五侯鯖

劉向校書
太乙老人
杖藜吹火
○匡衡家
貧鑿鄰壁
引光照讀

斷環結草
以報重恩
涸轍鮒魚
求活斗水
○馮婦搏
虎為善不
終既籍旁
途猖狂大
哭
係牛曰婁
○李公擇
聚書曰山
房○

有客遠臨。厨無蕪味。何以佐客。歡令客浮白。叫呼乎。
敢以叩之。庖人俾山肴野蔌。得與五侯鯖之旁。賓筵
生色。令僕不復作謙退却客態。呵。

借油

家乏蘭膏。春霄暗度矣。敢以讀之。左右惠我少許。即
未敢云。太乙分光。庶幾我鄰壁免鑿。更毋令暗中
塗抹。將惠同日月矣。

復與友借銀

張壁

屢承君雅惠。已鏤之五內。海枯石爛。敢忘斷結。耶近
者復有意外之災。左支右頽。十叩九空。不得已。再干
文臺。惟知涸魚之足。悲魯不慚。馮婦之破戒也。幸乞
推愛。少免阮生之泣。秋毫皆門下賜也。

答貸銀不允

審仕衛

不佞維婁于山房。倍稱無術。紛醜莫解。祇自恨面目
可憎。而阿對忽臨。益我愧死矣。將遙指百姓之金。是
詎諧也。直題白洪崖一句。以復知我者。勿謂我枝柱。

罄倒懸言
貧困之甚
出左傳語
○蘇復生
也魚不得
水故曰涸
鮒

范生名雖
為須賈所
譖去魏相
秦改名張

○眉為
大燃言急
之甚

王恭曰平
生無長物
汾西文仲
子○田荷
插陸龜蒙
事○子思
貧居衛三
旬九食

莊子以波
神喻言斗

與友取銀

紫芝眉宇久缺泰承岳望星瞻何風彌切年來野無
青草室如懸罄四望同心無可稱貸專入告匱門下
萬真餘波少蘇涸鮒一以推情一以立信草子冒干
深切慙練

借穀

某家蠅叢集斗室瀟然破甑生塵難免范生之嘆乞
蟠東郭頓忘齊士之羞敢借一粒於太倉少濟雙眉

之燃急母令苦詩因以苦貧祝

答胡宗履貸粟

審仕衛

居恒無長物所餘汾西之隰畛苦餓荷鍾又為旱魃
滌去舉家乏食三旬得九耳而且貸粟於余何異盲
人墜馬號痿者以扶之乎余乞諸後與斯激西江之
說也不敢以觥周者轉饒于觥白

與友求貸

楊元復

近聞琴劍歸裝圖書滿篋空乏周親聞之默自憫也

水可以活
鮒魚也

敢請太倉。下濟倒懸之急。願祈斗水。庸蘇涸澤之鱗。

復求貸者

張汝霖

出銀之山
名為朱提

承諭朱提。弟亦坐窘中。無以應命。欲効微生之乞。則

畜錢具有
入竅無出

隣人又貧。大都佛沉波底。安能救落水羅漢。不然寧

之竅滿則破

無樸滿之戒哉。

東彭鳳泉借花園

張沛

金陵曰白
門石崇

僕有佳客。自白門來。聞宅上名園。大勝金谷。欲借無

有金谷園
孔德璋

造光景。以騁詩懷。酒興求勅。山靈吐五彩。以待使知。

文
山
尋
移

吾鄉春色不讓白門佳麗也。此儼

借菜園

甯仕衛

司馬溫公
有獨樂園

學圃非大人之志。灌園實仲子之心。場多遠舍。司馬

○董仲舒
攻書三載

之獨樂有餘地。鮮立錐管寧之揮鋤。何處謾云董相

不窺園
詩盤中只

不窺。租祈半畝。足令黃生知味。手種一蔬。明月闌干。

有水精鹽

稍酬苜蓿。春風朝暮。免對水精。

與弟彥直

張鷟

人境言民
居稠密也

城南在人境。而少車馬之喧。古屋數椽。結構村朴。每

○少車馬之喧嘆無
貴客相晉
接也○曹
子積書甚
多如樹葉
○救帚可
以享千金
言無用可
以有用

居其中。有山家之意。焚香清晝。窓際碧陰。方几滑澤。
筆墨精好。彥直遺我素牋百幅。當是風雅津梁。昔人
積書樹葉。而埋之古陶甃中。以蘄來世知者。余不能
為千秋聊當編帚作救帚之享爾。

學問以人。志氣以事。心以理。身以行。此四者。皆人所共
有。而所以異於人者。在乎其心。心之所向。則身之所往。身之所
往。則事之所成。事之所成。則名之所歸。名之所歸。則利之所
至。利之所至。則害之所避。此理之必然者也。然則君子之
學。不特以明理為事。且以明理為心。心之所向。則身之所
往。身之所往。則事之所成。事之所成。則名之所歸。名之所
歸。則利之所至。利之所至。則害之所避。此理之必然者也。

卷之九

[Blank page]

